

П 64
26139

И. ПОТОЛИЦЫН



БИБЛИОТЕКА
Респ. Краев. Музея
Имени АССР
город Сыктывкар.

Изобавьвса
КРЕПОСТЬ

И. П. ГОТЛИБ



И. П. ГОТЛИБ

И. П. ГОТЛИБ

И. ПОТОЛИЦЫН

ИЗЪВАЙЫВСА
КРЕПОСТЬ

*Нель действеа
ӧкмыс картинаа драма*

КОМИ КНИЖНОЙ ИЗДАТЕЛЬСТВО
СЫКТЫВКАР 1958

Обложка М. П. Безносова

ВОРСЫСЬЯС:

- Митрей Митреевич — партийной ячейка секретарь, сийо жо волисполкомса председатель, бõрынджык красной партизанской отряда командир, 44 арõса.
- Егор — Митрейлõн вок, вõвлõм матрос, георгиевской кавалер, 48 арõса.
- Яков — гõля олысь крестьянин, кык война ветеран, 38 арõса.
- Терентий — гõль охотник, 40 арõса.
- Шомесов Афанасий — салдат-фронтовик, 33 арõса.
- Павел Николаевич — гõля олысь крестьянин, 36 арõса.
- Илья — батраклõн пи, 19 арõса.
- Анна Павловна — учительница, 30 арõса.
- Татьяна Ивановна — Митрейлõн гõтыр, 40 арõса.
- Марпа — Павеллõн гõтыр, 35 арõса.
- Попов Андрей — Лащ сиктса кулак, 30 арõса.
- Прокопей Сергеевич — озыр купеч, 54 арõса.
- Савватий — кулак, 50 арõса.
- Карламий — Прокопей Сергеевичлõн ылысса рõдня, 25 арõса.
- Лиза — купечлõн ныв, 19 арõса.
- Маура — Прокопей Сергеевичлõн слуга, 18 арõса.
- Саблин — капитан, белогвардейской экспедиционной группировкаса начальник, 45 арõса.
- Ротмистров — поручик, 27 арõса.
- Шахтаров — прапорщик, 22 арõса.

Партизаньяс, белогвардеецьяс, крестьяна.

Действие мунõ Изъвайылын, Коми край территория вылын, 1919 воõ.

ПЕРВОЙ ДЕЙСТВИЕ

Первой картина

Изьвайывса волисполкомлөн керка. Вєськыда куим өшинъ. Шуйга бокын ывласянь пыран өдзөс, сәні жө приступа русскөй пач. Вєськыдвылын чулан өдзөс. Сыкөд орчөн пызан да бумага тыра ичөтик шкап. Гөгөр лабичьяс. Яков зильө лөньөдны нывбабаясөс.

Первой нывбаба. Тэ висьтав, висьтав...

Мөд нывбаба. Пуксин пызан сайө да лыддян асьтө көзяинөн?

Коймөд нывбаба. Мыйөн кутам челядьнымөс вердны? Мыйөн? Но, висьтав...

Яков. Надзөнджык! Надзөнджык, гражданкаяс! Мый гызинныд?

Мөд нывбаба. Кагаяс бөрдөны, нянь корөны...

Коймөд нывбаба. Висьталинныд: асланым ласьт лоас, ставөн бура овны кутам, а збыльвылас мый?

Яков. А ме коді сэтшөмыс? Абу ас морт? Мый ме — помещик али урядник? Бөрйинныд кө мянөс волисполкомө, сідзкө, кывзысьөй. Сьөкыд мянлы. Ёна сьөкыд. Кулакьяс няньнысө дзєблалісны, көсьөны ставнымөс тшыгйөн вины, а сәні ещө заграничаса

капиталистъяс уськөдчисны мян вылө... Но нянь век жө лоас...

Первой нывбаба. Мича кывъястө кывлім нин, тэ няньсө мянлы вай...

Коймөд нывбаба. Сёрнинад он пөт.

Яков. Тьфу! Кыв шуны оз лэдзны. Локтө нин, мися, няньыс. Гөгөрвоинныд? Быдса обоз локтө.

Мөд нывбаба. Он пөръяв?

Яков. Кор ме пөръявлі? Обоз воас, и пыр жө чукөртам став тшыгъялысьяссө да юклам налы няньсө.

Первой нывбаба. Обоз вотөдзыд рушкүтө тувйө ковмас өшөдны.

Яков. Волисполкомын быдтор йылысь думайтөма, и решитөма пыркөдыштны озыра олысьясөс, медым найө юксьыштасны асланыс няньөн. Но, ладнө, бабаяс, ладнө! Мунөй да эн мешайтөй уджавны. Асланыд власть тиянөс оз пөръяв. Аддыланныд кө Ильяөс, ыстөй ме дорө.

Разөдчысь нывбабаяслөн гөлөсьяс:

— Веритны али не веритны?

— Ме тай висьтавлі тэныд: обоз йывсьыд и Степан гаравліс.

— Мед эськө өдйөджык нин кызкө господьыс ваяс найөс.

— Яковыслөн өд и аслас гортас крөшки нянь абу. (Мунөны.)

Яков (чышкалө чужөмсьыс пөсьсө). Уф-ф! Вернө, и найөс гөгөрвоны колө. Сьөкыда овсьө йөзыслы, ок, и сьөкыда. (Пырө Илья.) А, Илья! Воин?

Илья. Корин, Яков Васильевич?

Яков. Кори. Вот мый... (Сетө бумага.) Тайө йөзсө дзик пыр ыстав волисполкомө. (Илья лыддьө.) Гөгөрвоин?

Илья. Гөгөрвоин. (Көсий мунны.)

Яков. Сулав! Кизяв дукөстө! Тэ өд өні волисполкомса десятской, советской властьлөн представитель. Сидзкө, пасьтасьны колө окуратнойджыка, мед позис тэ вылө видзөдлыны. А тэ ветлан бытьё полокалө. Но, айда! (*Илья мунө. Пырө Андрей Попов.*)

Попов. Виль олөм стрөитысьлы чолөм!

Яков. А! Ондрей Яковлевич! Чолөм, другө! (*Киясьбөны.*) Қор воин?

Попов. Төрыт, рыгнас. Председательыд абу на?

Яков. Регыд воас. Пуксьы, висьтась, мый вильторьяссө вайин. Ми өд тані олам ош гуын моз. Быд вильтор недельясөн локтө миянөдз.

Попов. Омөльбсь вильторьясыс, Яков Васильевич. Англо-американской войска Қотлас нин босьтөмабсь.

Яков. Оз вермы лоны! Збыль өмөй найөс Қотласөдз лэдзисны?

Попов. Нинөм он вөч. Тэ думышт, коді миян вылө локтө? Рытивыв фронтьяс вылын закалитчөм армия, а оружиеыс налөн — первоклассной. Наөн веськөдлөны опытной офицерьяс да генеральяс. А миян мый? Лаптиа сө-мөд мужик, дас морт вылө — өти винтовка. Збыль тэ шуин, Яков. Пукалам ми тані ош гуын моз, нинөм ог адзөй, нинөм ог төдөй, а сәні...

Яков. Тайө кө ставыс збыль, делөясыс серьёзнойбсь, Ондрей...

Попов. Вывті, вывті серьёзнойбсь. Советской республикаөс империалистьяс кутісны кытшавны быд боксянь. Колө чайтны, мый регыдя кадө лоас всеобщой мобилизация, и, төдөмысь, медводз кутасны нуны коммунистьясөс. Тэа-меалы, тыдалө, кызди важся салатьяслы, ковмас на нылавны порок тшынтө.

Яков (*волнүйтчөмөн*). Но, мый нө, ковмас кө, кутам воуйтны. Оз босьтны — добровольнө мунам.

Попов. Эн на водзвыв сэтшөм сьёкыда лолав. Гашкө бөр лад вылө пуксяс ставыс. Вай эновтлы ассьыд уджтө, ветлам ме ордө чай юны.

Яков. Корөмыд вылө аттё, но өні ог эшты.

Попов. Ачылд төдан. Окотитан кө, воны, ме гортын лоа. (Мунө.)

Яков (мөвналөмөн).— Сидзкө, заводитчөны делөяс. Колө Митрейлы висьтавыны. (Өдийө петө. Мыйкө дыра сцена вылын некод абу. Сэсся пырөны Егор да Павел. Павел пөла-пөла гынсапөга.)

Егор. Тэ мый поводдясө урсалан?

Павел. Сийө сидзи нин урөсмөма. Пукалі, пукалі гортын, да и думышти: час, мися, исполкомө ветла, гашкө, кодкө куритөдас. Куритчанылд эм?

Егор (сетө табак көшель). На, курит.

Павел (гартыштө чигарка, пуксьө Егоркөд орчөн, гыррдзанас тувкөдө сылы бокас). Кылан, мый ме тэныд висьтала. Муна вөлі улича кузя...

Егор (скөрмыс чеччө). Тэ, Павел, йөй кө-а? Мода босьтөмыд — пыр тувкөдчан.

Павел. Эн скөрмы, Егор...

Егор. Скөрмынысө тэ вылө мыйлакө ог вермы. Вот морт жө тэ, тшыг көть пөт, кынман көть он — некор он шогсы. Ветлөдлан, вомнад гудөкасян, нинөм йылысь он думайт.

Павел. А мый меным думайтнысө? Мед найө думайтөны, кодлөн юрыс ыджыд. Егор, меным вот мый висьтав. Тэ өд георгиевскөй кавалер?

Егор. Но, шуам, кавалер. Водзө мый?

Павел. Мыйла өні ассьыд кресттө он новлы?

Егор. Тэныд кутшөм делө?

Павел. Тэныд, гашкө, сийө оз ков? Пөдарит меным.

Егор. Ок тэ кутшөм! Георгийтө, вокө, заслужитны колө.

Павел. Тэнö сійö крестнас царöс дорйöмысь наградитлісны, а öні царыд абу.

Егор. Эз царöс, а Рöдинаöс дорйöмысь. (*Гордöя.*) Сійö крестеö меным морöсö öшöдліс знаменитöй генерал Кондратенко. (*Пыдіа ышловзё*). Эх, Павлуша! Тэ öд тайö вёрсыс некытчö эн петавлы, нинöм эн аддзыв и он тöд. А ме, зон, дорйылі Порт-Артур.

Ышлолалігтырйи пырö Марпа, кнас бедь.

Марпа. Уф! (*Ышловзё.*) Тöкөтё сёлөмөй эз чеччышт, сідзи котралі... (*Аддзö Павелöс.*) Тэ бара нин тани? Мунам, куканьыд ывлаын котралö, некыз ог вермы йöртны...

Павел. Но и мед котралö на здоровье.

Марпа. Кыдз сідз мед котралö? Қынмас öд.

Павел. А мыйла лэдзин?

Марпа. Қоді лэдзис? Юктавны көсйи, а сійö бөжсö чургөдіс да ывлаö, и менö тшөтш кок йылысь пөрөдіс. Ме нин сідзи котралі сы бөрся, сідзи котралі...

Павел. Начкыны ковмас куканьтö, сёйны нинöм лои.

Марпа. Ме тэныд начка! Ме начка тэныд! Нэм чөжөн öти гыжъя лов картаад лои, а тэ нин сійöс начкыны гөтов. Висьтав аттьö сөветскöй ласьтыслы, мый отсаліс миянлы лөсьөдны сійöс. Мед көть асьным тшыглы кулам... Яндысьтөм син тэ.

Егор. Тэ, Марпа, сійöс эн вид. Павел правильнöй мужик.

Марпа. Мужик! Кутшөм тайö мужик, дас нель воөн öти кага вöчны эз вермы... (*Тойлалö Павелöс.*) Мун нин мун! Адöй-адöй и тынсапöгыс пöла-пöла. Срам! (*Кыкнанныс петöны.*)

Пырö Терентий.

Терентий. Егор! Обоз воис?

Егор. Оз кывсы, ни оз тыдав.

Терентий. Вот тэныд и на! А миян сиктджын-йыс татчö няньла локны лосьöдчö. Оз кө вайны няньсö, сэки мый?

Егор. Кызди оз вайны? Ваясны, прöста та дыра оз ветлыны.

Терентий. А оз кө?

Егор. Озыръяслысь няньсö петкöдам. Мый нö, сисытыны налы сетам, а йöзыс мед куласны?

Терентий. Кулакъяс няньтö бурöн оз сетны. Эм миян Сöветскöй власть, медым лосьöдны порядок, али абу миян Сöветскöй властьюс?

Егор. Сöветскöй властьюд — сийö ми тэкöд. Терентий, став уджалысь йöзыс... (*Пырö Митрей*). Вот и председатель воис...

Митрей. Чолöм! (*Киасьö. Терентийлы.*) Но, мый тиян вöчсьö деревняаныд?

Терентий. Сэтшöм ыджыд зык-шум лэптисны, председатель ёрт, водзö сэсса некытчö...

Митрей. Гөгөр неспокойнö лои. Со, уезднöй центрсянь бумага воис. Тшöктöны пыр жö места вылын заводитны велöдны йöзöс военнöй делö.

Терентий. Коді кутас велöдны?

Митрей. Вöвлöм салдатъяс... Колö ставнысö найöс босьтны учёт вылö. А веськöдлыны тайö уджнас ковмас тэныд, Егор.

Егор. Тайö статьяыд меным оз лöсяв.

Митрей. Зэв бура лöсялас... Нинöмла пыксыны. Положениеыс лои вывтi сьöкыд. Колчаклөн передöвöй частьяс кык боксянь пырисны нин миян крайö.

Терентий. Мать честная! Мый нö водзö лоас?

Митрей. Ме тöждыся обоз вöсна. Ставыс-ö сэни лючки-ладнö? Важөн нин кад воны. (*Егорлы.*) Талун чукöртам бедняцкöй скод. Коммунистьяслы локны

быть, некутшом помка пуктытөг. И талун жө ковмас лосьодны земельной комиссия. *(Пырө Илья.)*

Илья. Озыр йөзыд унджыкыс өткажитчисны исполкомө локны да весиг матялисны менө.

Егор. Мунам, Илья, ме ачым кодсюрөкөд сёрнитла. *(Егор, Илья да Терентий муноны. Пырө Анна.)*

Анна. Эг мешайт тиянлы?

Митрей. Энө жө. Прөйдитөй, Анна Павловна.

Анна. Ме тиян дорөдз, Дмитрий Дмитриевич. Тайө вежоннас ещө дас кум челядь тшыгьялом вөсна дугдисны велөдчөмысь. Пыктөмаөсь, өдва кокъяснысө новлөдлөны. Гортаныс крөшки нянь абу...

Митрей. А велөдысьыслөн эм?

Анна. Ме йылысь нинөм сёрнитны. Челядьыс жалёсь, Дмитрий Дмитриевич.

Митрей. Положение лои сьөкыд, Анна Павловна. Тшыгьялом өни медся страшной враг. А челядьөс ковмас велөдны. Челядь мян олан гаж... Ми, Анна Павловна, көсьям и гырысь йөзсө тшөтш заводитны велөдны, восьтны ликбез. Лосьөдим Советской власть, эм партийной ячейка, а грамотнойджык йөз мян абуось. Ликбезын велөдысьөн көсьям пуктыны тиянөс.

Анна. Окотапырысь, Дмитрий Дмитриевич. Менам, дерт, ыджыд грамотаяс абуось, но мый эм — сета мукөдьяслы.

Митрей. Талун лоө бедняцкөй скод, волөй, төлкуйтыштам.

Анна. Обязательно вола. *(Митрей пырө мөд комнатаө. Анна көсийө петны, но паныдасьө Марпакөд.)*

Марпа. Анна Павловна... Отсав нывкасө татчө пыртөдны.

Анна. Кутшөм нывкаөс?

Марпа. Маураөс... Сергей Прокөлысь слугасө. *(Кыкнанныс петөны да вайөдөны Маураөс. Маура өтпөлөса, чужөмсө гартыштөма шалльөн.)*

А н н а. Мыйла сійö öтпöлöсa? Дзикöдз тай тур-
дöмa...

М а р п а. Дерт, турдас. Тöрытсаянь нин öтпöлöснас
ветлö нылыс.

А н н а. Мыйла?

М а р п а. Вöтлöмa кöзаякаыс.

А н н а. Вöтлöмa?

М а р п а. Эмöсь öд мян сьöлöмтöм йöзыд, налы
пон кöть морт, дзик öткодь.

А н н а. Мый найö, йöймисны? Маура, и тэ ставсö
терпитан? (*Комнатасянь петö Митрей.*)

М а р п а. Митрей Митреевич, дыр-ö нö ещö Сергей
Прокö гозьяыс кутасны издевайтчыны тайö мамтöм-
батьтöм нывка вылас? Йирöмөн йирöны мортсö, а сi-
йöс дорйысь ни жалитысь некод абу. Лун и вой
уджалö...

М и т р е й. Мый лои?

М а р п а. Аддзан, мортсö пасьтöгыс вöтлöмаöсь.
(*Маура бöрдö.*)

М и т р е й. Маура, кодi тэнö öбидитiс?

М а у р а. Прокö гöтыр.

М и т р е й. Мыйысь?

М а у р а. Тöрыт нель час асывсянь кыскалi пес...
Мудзи... Сöмын пуксьыштлi, сейны эг вевъяв, а сiйö
бара менö öкмыс верст сайö турунла ыстö. Ме шуи,
мися, шойччышта неуна, а сiйö уськöдчис ме вылö ко-
колюкаөн, убирайтчы, шуö, кытчö гажыд.

М и т р е й. Некор сэсся на ордö эн пыр.

М а у р а. А кöнi овнысö кута?

А н н а. Мунам мянö, Маура.

М и т р е й. Вот öнi мун Анна Павловна ордö, а бö-
рас аддзам тэныд оланiнсö. Успокоитчы. (*Видзöдö
öшиньö.*) Обоз пыр на абу и абу... (*Марпакöд му-
нöны.*)

А н н а (*нöрччö пальтосö*). Пасьтав тайöс.

Маура. Мый тэ, Анна Павловна?

Анна. Ме жакет кежысь муна. (*Пасьтөдө Маура-
өс.*) Мунам.

Маура (*штовтчө*). Өдва кок йылын сулала...
А сийө турунла ыстө... Мед метөг дзебны няньнысө...

Анна. Кутшөм нянь?

Маура (*видзөдө өшиньө*). Со ачыс Прокөыс лок-
тө. Ой тась кө менө аддзас...

Анна. А ми мөд өдзөсөдыс петам. (*Петкөдө сийөс
веськыдвыз өдзөсөд. Пырө Прокө.*)

Прокө. Эм кодкө ловьяыс? Али некод абу? (*Пырө
Попов*).

Попов. Тэ нө тани?! (*Видзөдлө чулан өдзөсө.*) Эг
куж думыштны, мый аддзысам тэкөд волостной сө-
ветын.

Прокө. Өндрей! Тэ нө мый, воин, и эн пырав ме
ордө?

Попов. Эг вермы, Прокопей Сергеевич. Эн оби-
жайтчы. Та йылысь бөрас... Но, висьтав, кызди делө-
ясыс тиян.

Прокө. Комитетчикъяс талун волісны ме ордө.

Попов. Кывлі, кывлі. И мый? Гижисны мыйкө?

Прокө. Сёрмисны.

Попов. Тэнад шуд, мый ас кадө вевьялін сай-
мовтны няньтө... Да, Сөветскөй власть заводитө дей-
ствуйтны.

Прокө. Действуйтө, сволочь!

Попов. Заводитісны няньсянь, а сэсся кутчыяс-
ны скөт дорад. Петкөдасны став эмбуртө, юкласны
видзтө и мутө. Сэки миянлы кольө отитор: өшөдны ме-
шөк...

Прокө. Некор сийө оз ло!

Попов. Тайө, Прокопей Сергеевич, сөмын на за-
водитчөмыс. Өні миян вылө кутасны наступайтны.
Нянь вөсна пансяс чорыд тыщ. (*Кост.*) Тэ вот ассыд

эмбуртö вермин видзны, а менсьым мыйсьюрö нуисны нин. Воддза луннас мян сикт пыр прöйдитис красно-армейскöй отряд, и кутшöмкö сволочь налы висьталö-ма ме йылысь. Менсьым мырддисны ветымын квайт аршин ситеч да сэні жö юклісны крестьяналы.

Прокö. Дыр-ö кутам терпитны тайöс?

Попов. Кад вотöдз.

Прокö. Сöветьяскöд тыш колö заводитны талун, öні. Тэ, Öндрей Яковлевич, ас морт, ме тэысь нинöм ог дзеб.

Попов. Верман эскыны меным, кызди аслыд.

Прокö (*гусьöник*). Миян ставыс гöтов.

Попов. Мый?

Прокö. Сöмын сигнал виччысям.

Попов. Ті öні кöсьянный сувтны Сöветьяслы паныд?

Прокö. Помöдз рözöритасны мянöс, кутам кö нюжöдчыны.

Попов. А тэ мөвпыштлин сы йылысь, мый первой жö лыйöм шысö кыласны уезднöй центрын?

Прокö. Но и мый? И сэні мян бöрся вöтчасны.

Попов. Тэ вежöра морт, Прокопей Сергеевич, но мукöддырйиыс аслад нырысь ылöджык нинöм он аддзы, и он кöсйы аддзыны. Тэ жö тöдан: Помöсдінын, Печораын, Ижмаын, быдлаын краснöй частьяс сула-лöны.

Прокö. Тэ полан? А ещö унтер-офицерöн вöвлö-мыд.

Попов. Ме абу трус. Ме став пытшкöснам лөгала тайö сволочьясыс вылö, и найöс лыйлыны менам кийö оз дрöгнит. Но öні водзджык на, Прокопей Сергеевич. Колö виччысьны кад, а кадыс абу нин ылын...

Прокö. Қор сійö кадыс воас? Мудзим виччысь-нысö.

П о п о в. Англичана, американецъяс локтöны мянö. Севернöй Двина, Мезень, Лешуконскöй тракт, Улыс Печора — ставсö нин босътöмаöсь: либö найб, либö белöйяс. Регыдъя кадö колö виччысьны выль событиеяс. А öни мян мог: не сетны Сöвет властьлы ни öти тусь нянь. Уралысь кö няньсö оз вайны, сиктъясын кыптасны бунтъяс, а сийö мянлы кивыв.

П р о к ö. Мыйла татчö, пемыд вöрас, англичанаыс да американецъясыс локтасны?

П о п о в. Ме шуа — локтасны. Помнит менсьым кывсö. Меным колö мунны, Прокопей Сергеевич. Ме ог кöсьы, мед менö тэкöд öтлаысь аддзылісны. Войнас Лайковоын, Öврам ордын, чукöртчылам. Доддяв вöвтö да искөвтлы тшöтш. Босът сьöрсыйд Карлампейтö, сийö мянлы ковмас.

П р о к ö. Страшнöй кад воис, Öндрей. Вот и библияад гижöма...

П о п о в. Ме ас вылö босьті ыджыд грек, гижси тайö безбожнöй партияс, но ен милöстивöй, прöститас... Егор, кылö, локтö. Войнас аддзысям. (*Öдйö мунö. Пырö Егор.*)

П р о к ö. Қоді менö корис?

Е г о р. Корисны кö, сідзкö, колан.

П р о к ö. Меным пукавны некор: удж эм.

Е г о р. Уджтö ва эз кылөд. Аски праздник, а енлы юрбитны нинöмысь. Öбижайтö мянöс енмыд, Прокопей Сергеевич. (*Пырöны Митрей да Терентий.*)

М и т р е й. Бара лои беспокоитны, Прокопей Сергеевич. Пуксьöй.

П р о к ö. Кутшöм делö кузя?

М и т р е й. Мый нö, кутам сёрнитны кытшлөдлытөг. Қытчö няньтö воштін?

П р о к ö. Нянь? Кутшöм нянь?

М и т р е й. Амбарсьыд.

П р о к ö. А кöні менам сийö няньыс вöлі? Қытысь?

Митрей. Эм постановление: тиянлысь лишнõй нянь запас босътны учёт вылõ.

Прокõ. Постановление? Қоді постановитис?

Митрей. Комбед.

Прокõ. А тиян комбедыд сетліс меным коркõ няньсõ?

Митрей. Сетліс ли эз ли, абу сын делõыс. Йõз-ыс тшыгъялõны, а тиян эм лишнõй нянь.

Прокõ. Қытысь сійõ меным?

Терентий. Корсянь тэ беднякнас лоин, Прокопей Сергеевич? Тõргуйтін, тõргуйтін...

Егор. Уна-õ мельничаыд няньсõ тэд сетіс?

Прокõ. Аддзинныд кыскалантортõ! Менам мельничаыс кык во нин сулалõ. (*Пырõ Савать.*) Вот и Саватей вермас висътавны, мый менам некутшõм лишнõй нянь абу.

Митрей. Ме чайта, мый тиянõс агитируйтны озков. Ті асьныд ставсõ гõгõрвоанныд. И тэ сідз жõ, Саватий Митрофанович.

Савать. Мый сійõ?

Митрей. Сёрниыс мунõ нянь йылысь. Тшыгъялõны йõзыс. Челядь кулавны кутісны.

Савать. Сійõ збыль. Омõль делõ. Отсавны колõ.

Митрей. Вот ми та кузя и корим тиянõс, медым отсалінныд.

Савать. А ме мый верма вõчны? Менам нõ мый — нянь тэчасъяс сулалõны? Қоді мыжа, мед сійõ и отсалõ.

Митрей. Саватий Митрофанович, ми пока бурногõн сёрнитам...

Савать. А тэ эн грõзитчы. Ме абу сэтшõм полысь. Нянь менам абу.

Егор. А самõкурсõ мыйысь пуан?

Савать. Тэ, Егор, йõз делõõ ныртõ эн суй. Аслам эмбур вылын ме ачым на кõзяиныс. Пõсьсõ кõ

унджык лэдзлінныд да дышнытö эн пöжöй, эн воöй эськö та выйöдзыс.

Терентий. А тэ уна-ö пöсьсö кисьтлн?

Савать. Ме тiянöс ог вөрöд, и тi менö эн вөрöдöй. Мый менам эм, ставыс аслам. Кыдзи кöсья, сiдзи и ола.

Митрей. Сiдзи оз артмы.

Савать. Ме тiянлысь юасьны ог кöсьы. Думыш-тöмаöсь дядбö нянь-солөн рушкунысö тыртны. Мед Сöветскöй властьныд вердас. Власть!

Егор (ёна скöрмö). Тырмас тiянлы сөрны!

Савать. Тэ, Егор, гөлöстö эн лэпты. Тэ кöть и георгиевскöй кавалер, ме тэнад гөлöсысь ог пов. (*Кöс-йö мунны.*)

Егор. Сулав! Кытчö? Сёрниыс эз на помась. Мый мыштö бергöдн? Тэкöд Сöветскöй властьлөн представительяс сёрнитöны.

Савать. Кызвы, матрос...

Егор. Да, ме матрос. Ме öкмыс во служитi флотын, дорйи Отечество...

Савать. Но и слава богу. Ме тэ пыдди вичкоын юрбита.

Егор. А тэ сэки мый вöчин тани? Грöшьяс вылö пöръясьöмөн ньöбавлн йöзлысь медбөръя зверь куяс, вузавлн Изьваö, Эжваö, Кардорö, а сэтысь пыж тыръясөн ваявлн эмбур. Стрöйтöдн аслыд кöкъямыс пельöса керка, и тэ жö öнi сийö йöзсö, кодьяс шея вылын озырмин, кöсьян тшыгла вины?

Савать. Прокопей, тэ кылан? Сийö менö велöдны кöсьö! (*Сералö.*)

Егор. Сералан, гад? Сöветскöй власть вылын сералан?

Савать. Мый тэ ме вылö горзан? Аслад гöтыр вылö горзы.

Егор (кутö Саватьöс морöсöдыс). Кулацкöй рожа!..

Яков. Егор, мый тайö татшöмыс?

Савать (мынтöдчö Егор кабырысь). Тадзи кöсьян? Бур! (Ехиднöя.) Эм менам няньыс! Эм! Сöмын тi сийöс он босьтöй. Скötлы верда, а тiянлы ог сет. А тэ китö пуктылöмысь эн соссы. (Öдйö мунö.)

Егор. Вот зараза! (Вötчö сы бöрся.)

Митрей. Егор! Эн вөрöд сийöс! Терентий, кут Егорсö. (Терентий петö.)

Яков. Со кутшöм делöяс лоины!

Митрей. Но, а тэ, Прокопей Сергеевич, кыз решитiн?

Прокö. Ме нин висьталi, некүтшöм нянь менам абу.

Митрей. Но мый нö, он кö сетöй, вынөн босьтам. Ми корсям, непременно корсям. Сöмын сэки, Прокопей Сергеевич, ас вылад элясь. Верман мунны. (Прокö мунö.)

Яков. Омöль делöяс.

Митрей. Мыйла омöль?

Яков. Налөн öд асланыс семья, челядь...

Митрей. Жалитан? А найö жалитлисны коркö мянöс? Тырмас! Кад нин энотны сёрнисö да кутчысьны делöö. (Пырöны Егор да Терентий.)

Терентий. Оз сулав китö лякöсьтны. Чöрту!

Егор. Найö жö издевайтчöны мян вылын.

Павел (пырö). Егор! Егор! (Тувкöдö сылы бокас.)

Егор (скöрысь). Тэ бара?

Павел. Сыв, матрос, йöкты, матрос! Горзы ура!

Егор. Кеж, Павел, скөрми!

Павел. Тэ öшиньöдыс видзöдлы.

Егор (öшинь дорсянь). Мый сэни? Гашкö, обоз

воис? (Ставныс видзодёны ошиньод.) Шинеля морт!
Коді тайо?

Яков. Абу-о Опонасей Шомесов?

Павел. Код нё сэсся, дерт, сійо.

Егор. Кытысь сійо уси? (Пырёны Шомесов, Илья да мукодъяс. Шомесов шинеля, шлёма, мышкас ноп да порт.)

Илья. Примитой гостьос!

Шомесов. Чолём, ёртъяс! (Ставныскод киасьо.)

Егор. Но, лешакё! Вай коть тэ вылё бурджыка видзодла. Тайо тэ, Опонасей?

Митрей. Тэ кутшом ногон да кытысянь татчо усин?

Шомесов. Северо-Двинской фронт вывсянь. Раничом бёрын отпуско лэдзисны. Зэв рад ме, ёртъяс, мый бара вои аслам рёдной крайо, тиян дорё, тодмавыны, мый тани вочсьо. (Кыско мешоксьыс газетаяс.) Со, свежой газетаяс тиянлы вайи.

Егор. Атьё, ыджыд атьё, друго.

Яков. Лыддьой, лыддьой, мый сэни гижоны. Кымын недель нин газетаяссё эг адзыллой...

Митрей. Энлой ти газетаяснад, первой ловья мортсё колё кыззыны.

Егор. Кыдзи Котласыс, Петрович? Збыль омой...

Шомесов. Котлас кызди сулаліс, сидзи и сулалё.

Яков. Краснойяс кийн?

Шомесов. Сійо пыр на краснойяс кийн вёлі. Ме сэни лазаретын куйлі.

Егор. А татчо Попов вайис юөр, сійос по интервентъяс босьтомаось.

Шомесов. Мый ти, ёртъяс. Налон сэни и дукуыс матын эз вёв. Первойсё эськё чорыда Двина кузяыд Котласлань жмитны мёдлісны... Сэсся Кардорсянь воис сэтчо Павлин Виноградов, сэтшом боевой, энер-

гичной морт, и не сөмын сувтөдiс налысь наступление-сө, но и ачыс мөдiс найөс жмитны.

Павел. Повтөм енерал, тыдалө.

Шомесов. Кутшөм сийө генерал! Народной учитель. Жаль, боевой пост вылын враг снарядысь лөгибнитис мортыд. (Кост.) Котласад, ертъяс, öни ставыс пуөмөн пуө... Сэни краснойяслөн сэтшөм вын сулалө, юрсиыд сувтас... Петроградьс Путиловской заводса рабочей отрядъяс воисны, балтийской морякъяс, сэтшөм пушкаяс сьорсыныс вайисны, стволас бауөн пырны төран! Ленин ерт ачыс мөдөдома найөс Котластө дорйыны...

Митрей. Ленин!

Егор. Жаль, мый ме абу сэни. (Ывласянь кылöны гөлөсъяс.)

Терентий (видзөдө öшиньөд). Ертъяс! Обоз! Обоз локтө!

Митрей. Воисны жө тай! (Ставыс матыстчöны öшинь дорө.)

Павел. Ура! Нянь локтө.

Егор. Локтө, локтө, Павел! (Котөрөн петө.)

Митрей. Мунам встречайтны, ертъяс. (Шомесовлы.) Тайө обоз вылас мян став надеяным. Йöзыс нин кулавын кутисны, и ми сiдз төждысим... (Шогпырысь пырө Егор.) Тэ мый, Егор?

Яков. Вайисны няньсө?

Егор (сьökыда лолыштө.) Бергөдчөмаось тыртөм додыасөн. Печораын контрреволюционной переворот...

Анна (пырө). Ме төда, көни эм няньыс...

Занавес

Мөд картина

Сиктса улича. Вєськыдвылын волисполкомлөн кильчө. Керка вылын дөллалө гөрд флаг. Вєськыда потшөс, ыджыд кыз пу. Потшөс сайын муяс да ю. И помтөм, пыдөстөм вөр. Шуйга бокын амбар. Водз асыв. Восьса амбар өдзөс дорын сулалөны нывбабаяс, на пиын Марпа. Керка сайсянь нянь мешөкьясөн локтөны Егор да Терентий.

Егор. Нолтө, бабаяс, кежыштөй өдзөс шөрсьыс! Мый сэтчө ставныд юртө суйөмныд?

Терентий. Бабаяс найө ылысянь дүктө кылөны.

Первой нывбаба. Кутан кывны, кор недельясөн нянь крошки он адзыв. *(Егор да Терентий пырөны амбарө.)*

Мөд нывбаба. Марпа, кытысь тайөс аддзөмаөсь?

Марпа. Енмыд правдасө аддзө, ставсө аддзө.

Коймөд нывбаба. А коді висьталөма?

Марпа. Сэтчөдз мянлы делөыс ичөт. Чөв олөй, и — ставыс. *(Амбарысь петө Шомесов.)*

Шомесов. Чолөм, бабаяс!

Марпа. Господьө, и Опонасей тані. Век на гортад эн мун? Семьяыд йөймас виччысьөмысла.

Шомесов. Тянлы отсавны колө.

Марпа. А тэнад гөтырид, Настяыд, вөйдөрлун на татчө воліс, бөрдіс тэ понда. Коймөд төлысь пө некутшөм юөр абу. Буракө пө воштис нин юрсө... *(Пельпом вылас мешөкөн шатлалігтырийи локтө Павел. Друг усьө.)* Павел! Ай-ай... Мешөкыд личкис? *(Локтө сы дорө. Шомесов пырө керкаө. Амбарысь петө Терентий.)*

Павел *(пуксьө мешөк вылас, чышкалө пөсьсө)*. Мый вомтө вежньөдлан? Тявзанныд сәні, а отсыштны он гөгөрвоөй. *(Шыбитө кок дорсьыс чагтор.)* Шыбла-лөмаөсь быд лөпсө, дерт, сәсса усян.

Терентий. Слаба, зон, кок йылад сулалан. Вайлы татчө.

Павел. Ме, зон, Терень, томдырйи кулакөн ошкөс кок йывсыс пөрөдлывлі. (*Терентийкөд пырөны амбарө.*)

Первой нывбаба. Господьө, да енмөй. Мый сөмын лоас-а, кор Прокөыс төдмалас? (*Амбарысь петө Анна.*)

Марпа. Анна Павловна...

Анна. Энлөй, бабаяс, некор. (*Мунө.*)

Илья (*локтө*). Вөвьяссө нуодны али...

Марпа. Кывзы, Илья...

Илья (*шеньштө кинас*). Энлөй ті, бабаяс, некор... (*Пырө амбарө.*)

Мөд нывбаба. Ставныслы некор!

Первой нывбаба. Котралөны, бытьө зөр сөйөмаось.

Марпа. Но, бабаяс, тыдалө, пөжасьлам на.

Коймөд нывбаба. Тэ, Марпа, водзвыв эн на радлы.

Марпа (*решигельнөя*). Да энө ті, бабаяс, Прокөсыс полөй. Ме төрыт на Прокө гөтырыскөд бон-бус пиняси. Сійө менө юкмөс дорө эз кут лэдзны «тэ пө, шуө, коммунистка, менам юкмөсысь васө эн новлы». Қыдзи мися ог новлы? Тайө юкмөссө, мися, менам мужикөй медъена кодйис, тайө, мися, артельнөй. «Тэ пө, шуө, ачыл артельнөй». Сэссия мөдіс да мөдіс... быдторнас менө пиняліс. Но и ме уджйөзөн эг коль, сідзи кыресси... гашкө өні на пыр гыжьясьө...

Амбарысь петөны Терентий, Илья да Павел.

Павел (*Марпалы*). Тэ мый сәні, йөй нисьө прөсуж, котсян?

Марпа. Тэ, Павел, ланьт.

Терентий. Збой баба тэнад, Павел.

Павел. Йойлуныд сылөн тырмас.

Егор (*петё амбарысь*). Илья, петкөд татчө кык улөс. (*Илья пырө керкаө.*) Вот тайö удж! Öнi и сёрныиы гажаджыка мөдас мунны.

Марпа. Егорöй, кор тайöс юклынысö кутанныд?

Егор. Регыд, регыд, Марпа. Öнi ветлöй гортаныд, бöрас ми тiянöс чукöстам.

Марпа. Сё пасибö жö нин тiянлы ставныдлы. Бара тшыгла кулöмысь мездiнныд. (*Нывбабаяс муноны.*)

Терентий. Но, мый, Павел?

Павел. Синъяслы ог эскы.

Терентий (*видзöдлö амбарö*). Кымын пуд эскö танi лоас?

Егор. Йöзсö вердны öнi кежлö тырмас. (*Павеллы.*) Мудзин, Павел?

Павел. Абу öд ставыс тэ кодь ёнöсь.

Егор. Пуксыы, куритчы. Öнi тэ аддзин, кызди бур йöзыс свет вылас олöны?

Павел. Вот калябечыд! Кор сийö вевъялöма та йöс гуавнысö?

Егор. Кор вевъялöма? Найö, зон, оз узыны.

Терентий. Но кызди öнi Прокопей Сергеевич вувзыяс татчö, сэки кутчысь! (*Керкасянь петöны Митрей, Шомесов да некымын мужик.*)

Митрей. Но, тiян гөтов?

Терентий. Позяс заводитны сетаवны.

Митрей. Бур. А водзö мый вöчны, ставныдлы гөгөрвоана?

Гөлөсьяс: Гөгөрвоана!

Митрей. Босьтöй понятöйясöс да заводитöй. Қовмас кö кутшöмкö отсөг, ми танöсь лоам.

Шомесов. Жаль, мый менам отпускöй регыд помасяс.

Митрей. А ми сийöс тэныд танi нюжöдам.

Терентий. Позьö мунны?

Митрей. Действуйтöй, ёртъяс! (*Шомесовлы.*)
Петрович, на босьт менсьым револьверös, гашкö ков-
мас.

Шомесов. Оз ковмы. Ми бурөн, оружиетöг став-
сö ладмöдам.

Митрей. Быдторйыс вермас лоны. Тiянös оз
гöстъясös моз виччысьны.

Егор. Кежöй, озыръяс, гöльяслөн талун праздни-
кыс! Айда, ёртъяс! (*Ставныс мунöны. Керкаысь
улöсьясөн петö Илья. Потшös дорö локтö Маура.*)

Илья. Кытчö улöсьяссö? (*Аддзö Маураös.*) Мау-
ра! Тэ мый сэтшöм жугыль?

Маура. А мыйысь меным нимкодясьнысö?

Илья. Да тэ эн шогсьы...

Маура. Сьöкыд меным, Илья. Мый меным вöч-
ны? Ме öнi позтöм кök кодь. Тавой Анна Павловна
ордын узи, а кöнi аски кута узыны — ог тöd. Шудтöм
морт ме... Илья, ме кösья мунны татысь!

Илья. Кытчö?

Маура. Кытчö синъяс видзöдасны, ылöджык кыт-
чökö. Гашкö тшыгла ог кув, а кула кö лёкөн эн казь-
тыв.

Илья. Шыбит тэ, Маура, татшöм мөвпъястö.

Маура. Тэныд кокни шуны — шыбит. А мый ме
сейны кута?

Илья. Нянь. Со аддзан, Сергей Прокöйдлысь пет-
кöдiсны.

Маура (*повзö*). Ой, ме ставсьыс мыжа. Тöрыт
Анна Павловналы йöй юрнам висьталi... Öнi меным
не овны, Илья. Прокöйд виас. (*Митрейлөн гөлös:
«Илья!»*)

Илья. Ме танi. (*Мауралы.*) Корöны менö, вич-
чысьыштлы... (*Котöртö. Локтö Анна.*)

А н н а. Маура, тэ тани? А ме тэнö быдлаысь кор-
си. Мыйла сөйтöгыд мунин? Ме жö ставсö лöсьöдлi...

Маура. Анна Павловна! Ме чайтi тэнö прамöй
нывбабаөн, радейтi, эски тэныд, кызди аслым, а тэ...

А н н а. Сулав, Маура... (*Кутö сийöс.*)

Маура. Мыйла тэ Прокопей Сергеевичыслысь
няньсö висьталöмыд? Мый тэ вöчин?

А н н а. Маура, ме вöчи сийöс, мый вöли колö вöч-
ны. Ме эг вермы чöв овны...

Маура. Тэ меным лөкөе кöсьян?

А н н а. Сöмын шуд кöсья тэныд, Маура. Но тэ гө-
гөрво, смерть öни игöдчö быд öдзöсö, кöни пукалöны
тшыг челядь, пöрысь пöчьяс да пöльяс... Тэныд найö
абу жальöсь?

Маура. Грек, Анна Павловна, грек йöзлысь
нянь босьтны.

А н н а. Тэ грекысь полан? А найö?

Маура. Эг виччысь ме тэсянь татшöмторсö, Анна
Павловна. Прöщай! (*Котöртö.*)

А н н а. Маура! Кытчö тэ? Сулав! (*Котöртö сы
бöрся.*)

Гудökөн ворсигтырйи локтö Карлампей.

Карлампей (*сбылö*).

Заиграла венская,
И запела венская,
Не стерпела, заревела,
Дура деревенская.

Попов (*локтö*). Тэ мый тани вöчан?

Карлампей. Пöкмöлитча, Öндрей. Самöкур
кöсьян? Мунам мекöд.

Попов. Ог. Öни ме и думыштны сы йылысь ог
кöсийы. Оз позь.

Карлампей. Кодысь тэ полан? Сьöлышт став
вылас. А тöлквöя тöрыт Öврам ордад сёрнитин... ве-
жöра морт тэ!

Попов (*стрёга*). Тэ кывтö пинь саяд кут.

Карлампей. Шуöма — вöчöма. Эн пов, ме тожö мыйсюрö гөгөрвоа. (*Амбар дорö локтö Павел. Сув-тö öдзöс водзас. Карлампей ворсигтырйи мунö.*)

Попов. А тэ мый тані сулалан?

Павел. Нянь караулита.

Попов (*интересөн*). Кутшöм нянь! Обоз воис?

Павел. Часөвöйлы пост вылын оз позь сёрнитны.

Попов. Няньсö вайисны? Айда молодцы! (*Локтö Митрей.*)

Митрей. Павел, чукöстлы татчö Анна Павловнаöс. (*Павел мунö.*) Тэ мыйла тöрыт собрание вылас эн волы?

Попов. Қора прöститны. Эг вермы.

Митрей. А мый?

Попов. Сьöлөмöй менам дурны кутис.

Митрей. Жаль. Лечитчыны колö.

Попов. Кутшöм нин öнiя кадö лечитчöм. Сидзкö, няньтö вайисны? Бур делö. Кор кутанныд сөтавны?

Митрей. Регыд заводитам.

Попов. Списокыс гөтов нин? Гашкö, отсыштны колö?

Митрей. Оз, оз ков.

Попов. Уна-ö менам пай вылö гижинныд?

Митрей. Тэ, Öндрей Яковлевич, нянь юклан списокö эн веськав.

Попов. Эг веськав?

Митрей. Сидз шуис комбед.

Попов. Тайöс кызди гөгөрвоны? Ме абу морт али мый?

Митрей. Няньыс этша, Öндрей. Первой öчередь кутам юклыны сэтшöмъяслы, кодъяс омöля нин кок йылас кутсьöны. А тэнад няньыд эм на.

Попов. Көнi менам няньыс? Локтöй, корсьöй. Вот тэныд и на! Ме эновтi гортöс, семьяöс... Лун и

вой уджала, став вынӧс сета революция делӧ вӧсна...
Онӧ ме гӧгӧрвоа: кодсюрӧлы ог во сьӧлӧм вылас...

М и т р е й. Ерунда.

П о п о в. Ме коммунист али абу?

М и т р е й. Эн сёрнит нинӧмабусӧ. Комитет решениеӧн кӧ абу сӧгласен, гиж заявление. Но чайта, мый ӧветыс лоас татшӧм жӧ. (*Мунӧ.*)

П о п о в. Ог, тайӧс ме тадзи ог коль. Ме кута норасьны центрӧ. (*Локтӧ Илья.*) Кывзы, Илья. Тэ он тӧд, уна-ӧ Уралсьыс няньсӧ вайисны?

И л ь я. Уралысь? Мый тэ, Ӧндрей! Сэтысь ямщикьяс ӧдва кокьяснысӧ бӧр вайисны. Тӧкӧтьӧ ставныс белӧйяслы пленӧ абу шедӧмаӧсь.

П о п о в. Кыззи? А кутшӧм нянь нӧ кӧсийӧны юклены?

И л ь я. Да тайӧ жӧ Сергей Прокӧлӧн. Войбыд гуысь лэптим. (*Мунӧ.*)

П о п о в. Вот кызз! Сидзкӧ, тайӧ няньыс Прокопей Сергеевичлӧн? Но кыззи найӧ аддзисны? Интереснӧ! А Прокопей Сергеевич дерт на нинӧм оз тӧд. Крепыда сийӧ тӧрыт Лайковоын пыдзыртіс самӧкуртӧ. Колӧ висьтаваны мортыслы. (*Ӧдйӧ мунӧ. Локтӧны Митрей да Яков.*)

Я к о в. Омӧль делӧяс гӧгӧр вӧчсьӧны.

М и т р е й. Мый сэтшӧмыс?

Я к о в. Войнас Лайковоын озыр йӧз чукӧртлӧмаӧсь гуся собрание, и Ӧндрей Яковлевич, быттьӧкӧ, сэнӧ тшӧтш вӧлӧма.

М и т р е й. Ӧндрей?

Я к о в. Вернӧй йӧз висьталӧны.

М и т р е й. Сидз. (*Локтӧны Анна, Маура да Павел.*)

А н н а. Дмитрий Дмитриевич, бурӧдӧй нывсӧ, ӧдва верми татчӧ вайӧдны.

Митрей. Пырам керкаас. (Павел кындзи ставныс пырõны. Дозмукъясõн быд боксянь локтõны му-жикъяс, нывбабаяс.)

Гөлөсъяс: Павел, эз на восьтыны?

— Öгрепена, мый тэ тойласян?

— Унаõн-õ сетавнысõ кутасны?

— Ог и тõд, лысьтан он босьтнысõ? Властьыд кõ бõр вежсяс...

Павел. Надзõнджык, граждана, эн шумитõй. Сув-тõй õчередьõ, мед вõлi лõрадок. (Отпõлõса, шапкатõм, котõрõн локтõ Прокõ, чужõмыс страшнõй.)

Прокõ. Тi мый татчõ чукõртчинныд? Убирайтчõй! (Иõз повзьõмõн паськõдчõны. Прокõ шыбитчõ амбар õдзõслань.)

Павел (сувтõ õдзõс шõрас). Ог лэдз, Прокопей Сергеевич.

Прокõ. Мый? Тэ кодкõд сёрнитан, скõтина!

Павел. Ме абу скõтина, ме — морт.

Прокõ. Кодлõн сәни няньыс?

Павел. Тайõ няньыс народнõй.

Прокõ. Ме тәныд петкõдла народнõй. Тэ ещõ ку-тан на ме водзын йоктыны. Кеж шõрсыйс! (Тойыштõ Павелõс.)

Павел. Но-но-но... Киыдлы вõлясõ эн сет, а то верма тәнõ... (Кутчысьõ сылы морõсас. Керкаысь петõ Яков.)

Яков. Сулав, Павел. (Прокõлы.) Мый тәныд та-тысь колõ?

Прокõ. Тайõ мый, грабёж? Луншõра лунõ?.. (Мунõ амбарлань.)

Яков (кутõ сийõс). Эн матыстчы сэтчõ. Тайõ абу тәнад лавкаыд, а общественнõй амбар! Эн командуйт танi... (Керкаысь петõны Митрей, Анна да Маура.)

Митрей. Мый танi татшõмыс?

Яков. Сõ воис.

Прокö (*аддзö Маураöс*). И тэ тани? Тайö тэ
сволочы! (*Уськөдчö Маура вылö.*)

Митрей (*сугтö шöрас*). Эн лысьт!

Анна (*Прокöлы*). Кызди тэныд абу яндзим?

Митрей. Эн пов, Маура, оз лысьт вөрзбодны.

Прокö. Сийöс ме ог лысьт? (*Мауралы.*) Но, смотри, голубушка...

Митрей. Эн öвтчы кинад, эн горзы.

Прокö. Кызд ти лысьтинныд вөрзбодны менсьым
няньсö? Коді тиянлы сетис сэтшöм правосö?

Митрей. Сöветскöй власть.

Прокö. Тайö — беззаконие, грабёж... Тайö ти,
пернатöм ловьяс...

Митрей. Мыйла гуалин?

Прокö. Сийö менам делö. Няньыс менам, мый
колö, сийö и вöча. Бөр вайöй няньсö.

Митрей. Спекулируютны да кульны йöзлысы
куим кучик тэныд сэсся оз удайтчы.

Прокö. Председатель, ме бурөн кора.

Митрей. Ни бурөн, ни лёкөн оз ло сетöма! Яков
Васильевич, позбö заводитны.

Прокö (*йöзлы*). Мед сöмын кодкö лысьтас босытны
öти фунт нянь.

Митрей. Эн мешайт йöзыслы уджавны.

Прокö. Издевайтчан ме вылын, корысь пи! (*Кутчысьö Митрейлы морöсас.*) Виа!

Митрей (*йöткыштö сийöс*). Вешты ме вылысь пеж
китö! Ковмас, тыдалö, пуксьöдны тэнö.

Прокö. Пуксьöдны? Менö пуксьöдны? (*Валеги
гöлень костсьыс кыскö пурт да уськөдчö Митрей вылö.
Йöз öтарö-мöдарö шыбитчöны.*)

Гöлөсьяс: Пурта! Ой, виас, виас... Кутöй!
(*Яков, Павел да ещö кымынкö морт уськөдчöны Прокö
вылö, бертыштöны кисö. Пурт усьö. Прокöс личкöны.*)

Яков. Кутöй кисö!

Павел. Курчасьö стервоыд.

Прокö (*пессьö*). Сволочьяс! Рöзбойникьяс!..

Митрей. Кöрталöй кисö!

Шомесовлөн гөлöс. Граждана, сетöй туйсö! Тувчав, тувчав... (*Локтöны Шомесов да Илья. Водз-вылас кияссö кöрталöмөн вайöдöны Саватьöс. Шомесов кийн винтовка. Саватьлы.*) Мун, сэтчö мун! Видзöд йöз вылас. (*Сетö Митрейлы винтовкасö.*) Со!

Илья. Зарада и быдсөн.

Митрей. Талөн сюри?

Шомесов. Да. Быдса гутыр нянь...

Митрей. Яков Васильевич, доддялöй вöвьяс да ветлöй няньысла.

Савать. Сöмын видлöй!

Митрей. Яков, öнi жö мун. (*Яков мунö. Локтö Егор, сылөн юрыс вирöсь.*)

Митрей (*Шомесовлы*). А Егорыскöд мый?

Шомесов (*индö Савать вылö*). Шобсигөн пес плакаөн кучкис.

Анна. Егор, на босьт чышъянсö, чышкышт чужöмтö.

Егор. Лякöсьта, Анна Павловна.

Анна. Нинöм, нинöм, чышкысь. Пырам керкаас, кöртала юртö. (*Егоркöд пырöны керкаö.*)

Митрей. Сидз. Значит, миянлы объявитöма война?

Савать. Дрöжжитан, председатель?

Митрей. Петрович, нуödöй найöс.

Шомесов. А, но! Шагом марш!

Прокö. Помнитлы, председатель. Гöра гöракöд оз паныдасьлыны, а ми тэкöд вочаасьлам на. Сэки нин ме ог прöмакнитчы. (*Локтö Попов.*) Öндрей!

Попов. Мый Öндрей? (*Прокöс да Саватьöс нуödöны.*)

Митрей. Успокоитчөй, граждана. Верманныд нянь пöлучайтны. Сетавны кутасны эсийö öшиньöдыс. (*Йöз мунöны амбар сайö.*)

Попов (*Митрейлы*). Кытчö найöс нуöдiсны?

Митрей. Сэтчö, кытчö колö.

Попов. Мый тi накöд көсьянный вöчны?

Митрей. Судитны кутам.

Попов. Но мян жö сэтшöм правоыс абу.

Митрей. Найö кутасны мян вылö оружиеөн усьласьны, а ми, тэ ногөн, налы кок выланыс кутам юрбитны. Оз артмы! (*Друг.*) Тэ төрыт көнi вöлiн?

Попов. Мый, тайö допрос? Ме жö висьталi нин.

Митрей. Öндрей, висьтав веськыда. Войнас не-кытчö эн ветлы?

Попов. Но тiянöс, чортовöй матере. Мый тэ ме дорö сибдiн? Қор ветлi? Кытчö ветлi? Тiянлы бара кодкö сöрис ме йылысь. Неужели тэ эскан быд сөрöмлы? Враг зильö быд лöжсö лэптыны коммунистьяс вылö... Меным не öтчыд жö шöпкöдлiсны тэ йылысь, быттö личнöй счётьяс вöсна öткымын озыр йöзöс топöдан...

Митрей. Ме йылысь тадзи сёрнитöны?

Попов. Но ме жö ог верит талы, и öти коммунист оз верит.

Митрей. Ладнö, Öндрей, мун отсышт сэнi. (*Попов мунö.*) Мыйкö сiсь дукөн тэсянь öвтны кутiс.

Анна (*петö керкаысь*). Но и зверьяс! Мöд морт кө Егор местаын вöлi, эз чеччы эськö. Кыклатi юрсö поткөдöмаöсь. (*Котөрөн локтö Татьяна.*)

Татьяна. Митя, тэ ловья?

Митрей. Он мöй аддзы? А мый?

Татьяна. Мый танi вöлi?

Анна. Мый вöлi, ставыс прöйдитiс, Татьяна Ивановна.

Татьяна. Анна Павловна, ме верöскöд сёрнита.

Анна. Прөстит, ог кут мешайтны. (Мунö.)

Татьяна. Меным висьталісны, тэнö пö вины кут-
лөмаось. (Көртöда юрөн керкаысь петö Егор.)

Егор. Кызди ме Саватьсö эг ви?

Татьяна. Найö тiянöс водзджык виасны.

Егор. Тайöс ещö ми видзöдлам на.

Татьяна. Зэв тай повтöмось. А юрид мый лои?

Егор. Пустяк. Кильчö сюрьяс люкаси.

Татьяна. Нинöм шуны, бура люкасьöмыд. Чу-
жöмыд весиг кельдöдöма. Митя, мунам. Меным тэкöд
колö сёрнитыштны. (Ставыс мунöны. Тыдовтчö Кар-
лампей, юыштöма.)

Карлампей (сьылö).

Кудреватые, баские,
Где такие родятся!
У них матери, отцы,
Какому богу молятся?

Попов (локтö). Көнi тэнö кузьясыс кыскалöны?

Карлампей. Пыралі аслам пöдруга ордö. Ок,
и бур баба, самöкурөн гөститöдис.

Попов. Пьянствуйтан. Он аддзы, мый вöчсьö?

Карлампей. Нинöм ог аддзы.

Попов. Юöмыдла синъясыд гудырмисны... Про-
копей Сергеевичлысь войнас петкөдöмаось став няньсö.
А асьсö да Саватьсö арестуйтисны.

Карлампей. Коді?

Попов. Ёді.

Карлампей. Көнöсь найö?

Попов. Нуöдісны.

Карлампей. Кытчö? Мунам, мездам. Коді
тайöс лысьтис вöчны? Да ме найöс...

Попов. Тэ эн горзы. Сулав и кывзы.

Карлампей. Мунам! Да ме найöс... (Мунö.)

Попов. Сулав, мися, дьявöл! Вот бөлбаныд!

Терентий (өдйө локтө). Оңдрей! Көні Митрейыс? Попов. Ог төд. А мый сэтшөмыс? (Терентий көс-йө мунны.) Сулав. Тэ, ме видзөда да, быттё мыйкө волнуйтчан. Мый лоис?

Терентий. Беда, Оңдрей!

Попов (насторожитчис). Кутшөм беда?

Терентий. Ижмаын краснөйясөс жугөдөмаөсь. Колө Митрейлы висьтавыны. (Өдйө мунө.)

Попов. Сидзкө, заводитчис... Но и мянлы кад воис действуйтны!

З а н а в е с

МӨД ДЕЙСТВИЕ

Коймөд картина

Первой картиналон обстановка. Оні тані сиктса штаб. Водз ту-лыс, шондіа гажа лун. Ошиньяс восьсаөсь. Ывласянь кылө шум, горзөм, гудөк шы, сьылөм, йөктөм. Ошинь вылын пукалө Илья, выль гөрд дөрөма.

И л ь я (өвтчө кинас да кодлыкө горзө). О-хо-хо-хо! Татчө! Татчө! Нинөм ог кыв... Мый? Оружиеныд эм?

Егор (нетө комнатаысь). Но, мый сэні, Илья?

И л ь я. Ёлки-палки! Йөзыс, йөзыс мыйта чукөрмис, Егор! Улич вылас оз төрны! Быд сиктысь чукөртчисны, и пыр локтөны да локтөны. Лайковоысь ещө быдса партия воис... Видзөдлы, мый сэні вөчсьө...

Егор (видзөдө ошиньөд). Тайө — вын! Садьмис йөзыс! Терентий эз на во?

И л ь я. Эз, буракө, эг аддзыв. (Пырө Павел, старинной охотничьей снаряжениеа.)

П а в е л (волнуйтчөмөн). Но, Егор! Тусь ни пызы! Көнөсь белөйясыс? Мед сьыласны аслыныс паникида.

Егор. Заводитчоны бур да гажа луньяс, Павел. Партия чукостом серти кыподчис йоз... Священной вой-на выло. Виль олөм вөсна, свобода вөсна...

Павел (*ошйысьөмөн*). Тайо ми найос про... проп... Тьфу... Про-пагандируйтим. Аддзан, мыйта чукормисны! Висьтав, кодьяс вылын меным командуйтны?

Илья. Командир ветлөдлө, ха-ха-ха!

Павел (*нерө*). «Ха-ха-ха!» Мый пиньто жер-йөдлан?

Егор (*видзөдлө Павел выло.*) Тэ мый тайо ас вылад ошлөмыд?

Павел. Кыдзи мый? Боевой снаряжение. Тадзи ещө менам дедой на кыйсыны ветлывліс. (*Петкөдлө.*) Тані менам порок, тані дрөб, тані пистоньяс...

Егор. Төдчө, небось, мый эн вөвлы салдатын. Став банкаясто и мошняясто шыблав чөрту!

Павел. Шыблавны? А лыйсынысө мыйон?

Егор. Ми мунам кык кока зверьяс выло, дрөбнад найос он уськөд. Ковмас дзевсясьны, уявны, вөтлысьны на бөрся, а тайо көвьяснад тэ кутшөмкө увйө крукасян да кутан горзыны караул.

Павел. Тэ тай менө дзик нинөм туйө пуктан. Ме кута горзыны караул? Тэ менө эн на аддзыв, кутшөм ме тышкасигад.

Егор. Тэ өні красной партизан. Ставсө ас вылад колө сідзи лөсьөдны, мед нинөм эз бовьяв, эз кучкав рушкуад... Мун доддяв вөв и заводит берег дорө кирпич кыскавны. Кутам укрепление стрөитны!

Павел. А вөлыс кытысь?

Егор. Босьт любөйөс, кодлөн шедас. Мунам, ме отсала тэныд. (*Мунөны. Ошйнь дорө локтөны ныв-бабаяс.*)

Первой нывбаба. Илья! Илья!

Илья. Мый? Отрядө гижсьыны көсьянныд?

Мод нывбаба. Оз позь али мый?

Илья. Нинөм оз артмы! Бабаясөс ог босьталөй.

Коймод нывбаба. Мыйла? Тэ али мый босьталысьыс?

Илья. Тиян божныд кузь. Челядь, овмөс...

Марпа (*локтө өшинь дорө*). А Ильяыс, Ильяыс кутшөм мича дөрөма талун! Дзик жонь кодь.

Илья. А тэныд кутшөм делө?

Марпа. Обнөвитны колө дөрөмсө. Кыскылөй сийөс татчө. (*Кутө Ильяөс*.)

Илья (*нетшыштчө*). Но-но-но! Кокныдджыка. Мый гөрдланныд тани?

Марпа. Матыстчыв вай, эн пов.

Илья. Кинад эн лапайт, ме верма жө крукыштны.

Марпа (*кутө Ильяөс*). Лок кутыштла... Вывті жө нин дөрөмыд мича...

Илья (*кучкө Марпалы киас*). Да тэ мый? Веса-сьөй татысь! Вот ме тиянөс дзик пыр купайта... (*Босьтө ва ведра да өшинь пырыс койыштө нывбабаяс вылө. Нывбабаяс горзигтырийи пышйоны*.) А! Сюрыштіс! Оні сэсся и гыжъясьөй...

Карлампей (*локтө өшинь дорө*). Көні начальствоыс? Митингсө регыд заводитасны? А то ми натөг асьным восьтам.

Илья. Тэ мый сідз ныртө лэпталан?

Карлампей. Катись тэ, төдан кытчө? Ещө велөдны кутан... Йөвва юысь! (*Мунө*.)

Илья (*сылы*). Тшөгөдөм порсь!

Карлампей (*бөр локтө*). Мый шуин? Тэнад шуд, мый меным дыш тышас пырнысө, а то петкөдлі эськө пуж. (*Мунө*.)

Илья. Аддзывлім ми тэ кодьястө! Гөгыльтчы! (*Вунөдчөмөн бара пуксьө өшинь вылө. Сийөс пыр жө кватитоны некымын нывбаба*.)

Марпа. Шеді, антикрестыд! Кыскөй, кыскөй...

Илья (кутчысьö öшинь көсякас). Лэдзöй, лэдзöй, мися, ёмаяс... Гачсö косяланнды! (Сийöс кыскöны öшинь пырыс. Пырö Попов. Кыскö записной книжка, заводитö гижавны.)

Попов (гижö). Габов Иван Степанович вооружитчöма винтовкаөн. Уляшев Мирон... (Пырö Анна. Попов дзевö книжкасö.)

Анна. Здравствуйте, Öндрей Яковлевич!

Попов. А! Анна Павловна! Чолём! Но, кызди асьтö чувствуйтан?

Анна. Аттьö. Чувствуйта бура. Сöмын луныс талун зэв жар. Тэ мый, дневник, гашкö, гижан?

Попов. Да, сідз пасьяла, аслым... Тэ он думайт эвакуируйтчыны?

Анна. А мый, эмось кутшöмкö индöдьяс?

Попов. Официальнойыс — абу. Но тэ жö ачыл аддзан, мый вöчсьö... Пышйöны йöзыс. Сöветса работникъясыдкөд да налы сочувствуйтысьяскөд пö белöй-ясыд немжалиттöг расправляйтчöны. Оз жалитны ни старикъясöс ни челядьсö. Ме эськö сöветуйтi тэныд...

Анна. Ме, Öндрей, уна во учительствуйтi тани. Тайö каднас бура тöдмаси татчöс смел йöзыскөд, кути радейтны налысь челядьсö, татысь живописной природасö, и ставсö, мый менö кытшалö... А тэ мый, мунны көсьян?

Попов. Ме — коммунист, менам местаыс передной крайын... Ме тэ вöсна тöждыся...

Анна. Аттьö, Öндрей Яковлевич, но ми татысь некытчö ог мунöй.

Попов. «Тi»? Да, ме и вунöди... тэ жö öни абу öтнадөн. Тэнад эм мича ныв.

Анна. Маура зэв шань ныв. Ме дас кык арсянь сы моз жö коли батытöг-мамтöг. Кык во ветли сиктыясөд, кори милöстина. Вöли нянькаын. Тайö вöли страшной кад... Сэсся бур йöз босьтисны менö, воспи-

тайтисны, отсалісны велӧдчыны. Но сёрниыс ӧні абу сы йылысь... Ме кӧсйи Дмитрий Дмитриевичӧс аддзӧдлыны.

П о п о в. Сійӧ, буракӧ, кӧнкӧ улича вылын. Тани этша культурной йӧзыс, Анна Павловна. Сы вӧсна меным век зэв приятно сёрнитыштны тэкӧд. *(Кыкнанныс петӧны. Недыр мысти пырӧны Митрей да Егор.)*

М и т р е й. Вот, татшӧм лоас обороналӧн план. Крутойысь ӧнӧдз на некод абу?

Е г о р. Оз тыдавны.

М и т р е й. Ог тӧд, мый накӧд лоис. Гижышт Шомесовлы записка и ӧні жӧ мӧдӧдлы кодӧскӧ. *(Егор пырӧ комнатаӧ. Ывласянь пырӧ Яков.)* Но, Яков Васильевич, йӧз миян чукӧрмис, а командирьяс абуӧсь. Босьтчан взводӧн командуйтны?

Я к о в. Ог тӧд, сямма ог. Видлыны позьӧ.

М и т р е й. Ачыл ӧд тӧдан, кутшӧм йӧзыс миян, биӧ кӧть ваӧ.

Я к о в. Бара беженецьяс воисны. Кодлӧнсюрӧ оружие эм. Турун вылӧ да нянь вылӧ вежны вӧзийӧны.

М и т р е й. Қолӧ босьтны. А то налӧн оружиеыс вермас веськавны враг киӧ. Тэрмась, Яков.

Я к о в. Ладнӧ. *(Мунӧ. Митрей пырӧ комнатаӧ. Ывласянь пырӧ Илья. Паськӧмыс няйт.)*

И л ь я *(пыркӧдчӧ)*. Вот проклятойясыд... *(Ошиньӧд грӧзитӧ кулакнас.)* Ме петкӧдла тиянлы!

М а у р а *(локтӧ ӧшинь дорӧ)*. Илья!

И л ь я. Маура! Здорово!

М а у р а. Тэ мый тани вӧчан?

И л ь я. Ме? *(Важнӧя.)* Ме талунсянь Митрей Митреевичлӧн ординарец.

М а у р а. Ординарец? А мый сійӧ сэтшӧмыс?

И л ь я. Сійӧ? Но, кыз эськӧ тэныд висьтавны... но сылӧн помощник... абу помощник, а... сійӧ главнойыс, ме сы бӧрын мӧдыс. Гӧгӧрвоин?

Маура. Нинөм эг гөгөрво. Ноко, бергөдчыв.
(Сералө.)

Илья. Тэ мый сералан?

Маура. Мыйла тэ татшөм няйт? Бытьё кымөснад бужөд люкалөмыд.

Илья (оз төд мый шуны). А!.. Тайё ме вөвьяс дорын. (Вежө сёрнисө.) Но, кызди олан?

Маура. Зэв бура. Анна Павловна сэтшөм шань... Менё öни грамотаө велөдө...

Егор (петө комнатаысь). Маура! Ме төда, тэ зэв бура верзьөмөн ветлан...

Маура. А мый, Егор дядь?

Егор. Крутойөдз он гөнитлы? Нуан тайё запис-касө Опонасей Шомесовлы...

Маура. Колө кө, ветла.

Егор. Тайё зэв важной бумага. Сэтысь долженось мянө локны йөз. Гөгөрвоин? Босьт збойджык вөв, и айда!

Илья. Мыйөн бөр воан, пыр жө лок татчө. Гөгөрвоин?

Маура (сералө). Эг. (Илья чеччыштө öшиньө-дыс. Найө саялөны.)

Илья (бөр котөрөн пырө). Егор Митреевич, Терентий воис!

Егор (горөдө). Митрей, разведчикъясыд воисны! (Комнатасянь петө Митрей. Ывласянь пырөны Терентий, Яков, Попов.) Ті мый сэтшөм дыр?

Терентий. А тэ регыд көсийн? Делөыс эз вөв кокни, парсавны вермисны.

Митрей. Но, мый төдмалінныд?

Терентий. Шог юөр вайим, ёртъяс. Войнас белөйяс босьтөмаось Ухта.

Попов (дзевө радлөмсө). Тайё оз вермы лоны!

Егор. Тэ кывзы, мый мортыс висьталө.

Попов. Колө öни жө примитны кутшөмкө мераяс...

М и т р е й. Ладнө, Терентий, остальнойсö бöрын висьталан. Дзик пыр жö став йöзсö ыстыны окопьяс кодйыны... (*Бвласянь кылö сьылöм.*)

Е г о р. Мый сәні?

И л ь я (*видзөдö öшиньöд*). Шомесовыд локтö, быдса отряд вайөдö.

Е г о р (*видзөдö öшиньöд*). Вот тайö да! Тайöс ме гөгөрвоа! Айда, Петрович. Вот тайö настоящей салдагыас. (*Бвлавн шум, гөлөсъяс. Егор горөдö öшиньöд.*) Здорово, братва! (*Кылö «Ура!» горзөм.*)

М и т р е й. Колö встречайтны. (*Попов кындзи ставныс петöны.*)

П о п о в (*öшинь пыр*). Карлампей! (*Карлампей локтö öшинь дорö.*) Вот мый. Тэ меным гижыштав Крутойсьыс воысь йöзыслысь ним-овсö.

К а р л а м п е й. Ме öни жö верма висьтавлыны ставнысö.

П о п о в. Гижышт, сідзтö ме верма вунöдны. Миянлы колö тöдны быд мортöс, коді киас босьтис оружие, и коркö ас кадö казгыштны налы та йылысь. Белöйяс Ухтаынöсь.

К а р л а м п е й. Мый тэ висьталан!

П о п о в. Мун, бöрас. И гиж, кутшөм оружиеаөсь. (*Карлампей мунö. Пырö Митрей.*) Мый мөвпалö командир?

М и т р е й. Положениеыс ёсьмис. Тыдалö, белöй бандаяс Изьвайыв пыр көсийöны петны Эжваö...

П о п о в. Вермас лоны.

М и т р е й. Не вермас лоны, а налөн тайö главнöй планыс. А налысь плансö ми долженöсь орöдны, көть мед мый эз ло! Изьвайывтi туйсö сідзи потшам, мед öти пон эз вермы чеччыштны!

П о п о в. Ме ногөн, налы воча колö ыстыны отряд, медым, укрепленияяс вöчтöдз, задержитны найöс.

Командуйтны сійö отряднас верма мунны ме. Торйö-дöй меным медся повтöм йöзсö.

Митрей. Ассыным вынъяс дрöбитны ог кутöй. Ми найöс встретитам тані, Изьвайылын.

Попов. Сійö сідз, но ме тöдвылын кута мöдтор...

Митрей. Мый?

Попов. Изьвайыв миян — медбөръя сикт. Мыш саяным сулалö помтöм-пыдöстöм вөр, и Эжваöдз сё комын верста вöлök, кöні абу ни öти прамöй сикт. Сідз шуны, ковмас кö миянлы бöрынътчыны...

Митрей. Ог бöрынътчöй, Öндрей. Ми ог лэдзöй, медым купечьяс да кулакъяс бара кутісны кöзяйничайтны миян вылын. Сöмын миян шойяс вывті найö вермасны петны Эжваö.

Попов. Сідзкö, он ыстöй?

Митрей. Ме жö висьталі нин. (*Пырö Илья.*)

Попов. Ачыд тöдан. (*Мунö.*)

Митрей. Илья, кор татчö Егорöс да Шомесовöс.

Илья. Кывза. (*Петö. Пырö Егор.*)

Егор. Корин?

Митрей. Да, а кöні Шомесов?

Шомесов (*пырö*). Ме тані. Кывза.

Митрей. Изьвайыв лои ыджыд угроза улын. Сöветскöй власть опасностын. Белогвардейскöй банда англо-американскöй штыкъяс отсöгөн босьтис Ухта. Найö Изьвайыв пыр кутасны писькöдчыны Эжваö. Ми враглысь лыдсö ни вооружениесö ог тöдöй, а колö тöдны. Та вöсна, ме думысь, найö лагерö колö ыстывны разведка.

Шомесов. Тайö эськö зэв дельнö вöлі.

Митрей. Делöыс опаснöй, колöны смел, боевöй йöз. Ме мöвпышти ыстывны тиянöс.

Егор. Ме гöтов.

Шомесов. Аттьö дöверитöмсьыд. (*Кылöны гöлöсьяс.*)

Митрей. Пырамой, сэни сёрнитыштамой. Тян мунём йылысь мед некод оз тодлы. *(Пырö Илья.)* Илья, сулышт тани, и некодос эн лэдз. *(Митрей, Егор да Шомесов пырöны комнатаö. Ывласянь пырö Попов, мунö комнаталань.)*

Илья. Öндрей, сэтчö оз позь. Командир эз тшöкты лэдзны.

Попов *(думыштчö. Локтö öшинь дорö).* Кодлөн сэни седлоа вöлыс котралö?

Илья. Кöни? Тайö тай нö Митрей Митреевичлөн мынöма.

Попов. Мун кут, пышъяс. *(Илья котөрөн петö. Попов матыстчö комната öдзöс дорö.)* Кутшöм гуся сёрни тани мунö? *(Кывзсысьö.)* Шомесовлөн гөлöсыс... Найöс кытчöкö мөдөдöны... Сиктъясö сувтлыны оз тшöкты. Пырны веськыда... А, чөртыс эсийöс кыскалö!.. *(Вешйö öдзöс дорысь. Пырö Илья.)*

Илья. Öдва куті. *(Комнатабысь петöны Егор да Шомесов.)*

Попов. Ті кытчö мөдөдчинныд?

Шомесов. Мунам бабаясöс агитируйтны. *(Мунöны Егоркөд. Петö Митрей.)*

Митрей. Тэ мый, Öндрей?

Попов. Ме кöсий сёрнитыштны тэкөд аслам личной делö кузя.

Митрей. Öни некор, ме тэрмасы. Босьт зыр да кай тшөтш муяс вылö окоп кодйыны. Мөдім, Илья. *(Мунö Ильякөд.)*

Попов. Кытчö найöс мөдөдис? *(Пырö Карлампей.)*

Карлампей *(сетö бумага).* Со Крутойса йöзыд, ставнысö гижі.

Попов. Öни татысь Егор да Шомесов петісны. Мун видзөд на бөрся, кодарлань мунасны.

Карлампей. Да найö гөнитісны нин.

Попов. Кодарлань?

Карлампей. Сэтчань. (*Шеньштö кинас.*)

Попов. Ладнö, пет сэтчö да ылö пока эн мун.
(*Карлампей петö.*) Сідз. Сэтчань, белöйяслы воча?
Неуна гөгөрвоана... (*Котөрөн пырö Маура.*)

Маура (*ышловзё*). Ой, öдва вои...

Попов. Тэ мый, чеп йылысь мынін?

Маура. Öндрей, көні Митрей Митреевичыс?
Белöйяс Печорасынь локтöны.

Попов (*насторожитчис*). Кутшöм белöйяс? Кытчö локтöны?

Маура. Разведчикъяслөн ыджыд отряд.

Попов. Кытысь тэ тайöс кывлін? Қоді висьталіс?

Маура. Опонасей Шомесовлөн гөтырыс. Ме вöлі Крутойö муна, а сійö вочаасис да бергöдіс менö. Крутойö пö белöй отряд воліс, Ухтаö мунöны... Первойсö найö вöлөм татчö локтöны, но кор төдлöмаöсь, мый тані пыр на Сöветскöй власть, шыбитчöмаöсь прöсеклань...

Попов. Унаөн?

Маура. Морт кызь.

Попов. Вöлаöсь?

Маура. Подаöсь пö.

Попов. Кор найö Крутойсысь петöмаöсь?

Маура. Асывнас.

Попов. Сідз... (*Аслыс.*) Ылөдз-ö найö öні вермисны мунны?

Маура. Көні Митрейыс? Висьтавыны колö.

Попов. А тэ эн тэрмась.

Маура. Найö жö прöйдитны вермасны.

Попов. Ылөдз оз мунны. (*Друг вежö сёрнисö.*)
А тэ молодец, став сёлөмсыд старайтчан... Но, кыдзи тэ öні сэсся выль көзьяйка ордын олан? Кыдзи тэнö видзö, кутшöм чачаясөн ворсöдö?

Маура. Ме абу ичöt чачанад ворсны.

П о п о в. Да, абу ичөт, зэв бура ставсө гөгөрвоан, и ставсыс должен օтвечайтны.

М а у р а. Мыйысь? Мый тэ сідз видзодан ме вылө?

П о п о в. Радейтчи ме тэ вылө.

М а у р а. Эн серав. (*Бергөдчө.*)

П о п о в. Он верит? Мыйла бергөдчин? Он радейт менө? (*Локтө сы дорө, мышсяньыс кыкнан кинас ша-мыртө морөсөдыс.*) А ме радейта, сэтшөма радейта... гөтов лов петтөдзыд кутыштлыны...

М а у р а (*мездысьө*). Лэдз! Юөмыд али мый талун? Кыдзи абу яндзим?

П о п о в. Яндысьөмыс йөзыслөн өні кок пыдөсас.

М а у р а. Мыйөн тэ менө лыддян? Мый ме тэныд?

П о п о в. Сэтшөм на том, а лөк слава нин тэ йылысь ветлө.

М а у р а. Кутшөм слава?

П о п о в. Ачыд төдан.

М а у р а. Но и мед. (*Көсйө мунны.*)

П о п о в. Кытчө? Қовмас виччысьыштлыны.

М а у р а. Мый тэныд мясянь колө?

П о п о в. Вот ми өні син на син и сёрнитам тэкөд.

М а у р а. Меным нинөм йылысь тэкөд сёрнитнысө.

Лэдз.

П о п о в (*тупкө туйсө*). Эм мый йылысь, али вунөдін?

М а у р а. Тэ мый, йөймин?

П о п о в. Висьтав, мыйла тэ Прокопей Сергеевичыслысь няньсө вузалін? Эн тупкы чужөмтө, видзөд ме вылө...

М а у р а. Кутшөм сийө страшной...

П о п о в. Страшной? Кутшөм дьявөл тэнө кывйөдыд кыскис висьтаваны сылысь няньсө?.. Тэ и тайө йөзсө көсьян вузавны?

М а у р а (*чепөсийө өдзөслань*). Лэдз менө!

П о п о в (*кутö сійöс*). Эн вөрзы местасыд!
Мыйöн таысь тэ косьян мынтысьны?

М а у р а. Коді тэ сэтшöмыс?

П о п о в. Аслад вирөн ковмас мынтысьны!

М а у р а. Öнi ме гөгөрвои, кодi тэ сэтшöмыс... Тэ партияс пырöмыд сійöн, мед пöрйöдлыны честнöй йöзсö, и öнöдз некод оз тöд, мый тэ...

П о п о в. Мый ме? Помав кывтö.

М а у р а. Лэдз! Ме кута горзыны! (*Шыбитчö öшиньö. Попов кватитö сійöс кöсöдöыс да кучкö юрас револьверөн. Маура усьö.*)

П о п о в. Скöтина. (*Ырыштчö мöдысь. Ывласянь кылöны гөлöсьяс.*) А, чöрт! Татчö, тыдалö. локтöны... (*Öдйö петö. Ывласянь кылö вöв кок шы. Пырö Анна Павловна.*)

А н н а (*лэптö Маураöс*). Маура, донаöй, мый тэкöд?

М а у р а. Анна Павловна, Попов предатель...

З а н а в е с.

Нельöд картина

Белöй отрядөн босьтöм сикт. Купечлөн керка. Озыр обстановка. Образьяс, рөмпöштан, уна картина, джодждöраяс. Кык öдзöс.

Танi белöй экспедиционнöй отрядлөн штаб.

Водз асыв. Öшиньöд пырöны асья шондi югöрьяс. Котөрөн пырö Шахтаров.

Ш а х т а р о в (*стучитö комната öдзöсö*). Господин поручик! Господин поручик! (*Öдзöсöд мыччысьö Ротмистров.*)

Р о т м и с т р о в (*кизялö френчсö*). Мый, прапорщик?

Ш а х т а р о в. Главнöй выньяс воöны, господин поручик.

Р о т м и с т р о в. Öнi жö сетöй команда стрöитчыны!

Шахтаров. Кывза. (Котөрөн петө.)

Ротмистров. Эй, эм абу кодкө тани? (Пырө Лиза.)

Лиза. Мый тиянлы колө?

Ротмистров. Распорядитчөй, пöжалуйста, лөсьодны миянлы завтрак.

Лиза. Дзик пыр ставыс лоас гөтов. (Мунө. Ротмистров петө ывлаө. Кылө команда: «Становись! Равняйсь! Во фронт, смирно!» «Ура» горзөм. Пырөны Саблин, Ротмистров, Шахтаров да штабнөй офицеръяс.)

Саблин. Превосходнө! (Пөрччө фуражкасө, чышкасьө носөвөй чышгянөн.) Чудеснөй лунгъяс, господа. Ме эг чайтлы, мый тани, ылі войвылын, овлө татшөм тулыс. Кисловодскын кодь жө!

Ротмистров. Тулысыс тани Архангельскад дорысь бурджык.

Саблин. Архангельскын отвратительнөй климат. Ме сэни комын квайт лун олі, и комын лунсө висн насморкөн. А тани ме чувствуйта ачымөс вывті бура. Но, кызди краснөйяс? Көни Мандельбаум?

Шахтаров. Мандельбаумлөн жугөдөм отрядсьыс колясыс пышйөма ю кузя вывлань.

Саблин. Преследуйтанныд?

Шахтаров. Мөдөдім вөла разведка.

Ротмистров. Прөста ми лэдзим прөтивниклысь тайө коляссө Изьваысь петны.

Саблин. Краснөйяслөн тайө жалкөй колясыс өні оз нин вермы сувтөдны миянөс.

Ротмистров. Налы вермас воны отсөг.

Саблин. Öдвакө. Большевикъяслысь резервъяссө өні нылалө Северо-Двинскөй фронт. Тайө китыр деморализованнөй оборванечьясыс өні сөмын асьыныс кучиксө видзөны. Сідз, господа! Изьва мездмис краснөй заразаысь. Öні Эжваө петан туй лои осьса.

Поздравляйта тiянöс фронт вылын ыджыд успехъясөн. Чайта, мый экспедиционнöй командование вылö донъялас тiянлысь повтöмлун да решительнöй действиеяс, и заслугаяс серти наградитас быдöнöс.

Де журнöй (пырö). Господин капитан! Купечествосянь да духовенствосянь тiян дiнö воис делегация. Вайисны пöдаркияс.

С а б л и н. Кывлинныд, кызди мянöс встречайтöны сознательнöй йöзыс. Висьталöй, мед виччысьыштласны, а пöдаркияссö верманныд босьтны. (Де журнöй да Шахтаров петöны.) Господа! Ми öнi сулалам великöй историческöй событиеяс водзын, и тайö событиеясыс долженöсь решитны мян отечестволысь судьбасö. Некумын лун мысти ми петам Эжваö. Сэсся öтласям Колчак армияса передöвöй частьаскöд, и öтувъя вынөн зырöдам Вятка да Вологда вылö, кытчö сiдз жö успешнöя наступайтöны мян доблестнöй, союзнöй англо-американскöй войска.

Ротмистров (видзöдö карта вылö). Да, Эжваöдзыд ылынкодь на...

С а б л и н. Эжва матын, öти рывок, и ми лоам сөнi.

Ротмистров. Сьöкыд рывок лоö.

С а б л и н. Война вылын век сьöкыд овлö, но ми жö салдатъяс. Суворов аслас чудо-багатыръясыскöд не татшöм сьöкылунъяс венывлис.

Ротмистров. Сийö вöли Суворов.

С а б л и н. Эжваö петны ме артала вит лунөн, самöй уна — квайт лунөн.

Ротмистров. Кавалерияыд вермас, а обозным? Водзын, висьталöны, некутшöм туй абу.

С а б л и н. Ставыс лоö мян оперативность сайын.

Ротмистров. И не сöмын мян сайын.

С а б л и н. Сöмын мян сайын. Союзникъяс сайын делö оз сувт.

Ротмистров. Менам мнение серти...

Саблин. Тi ассыныд мнениетö верманныд ас ордад кольны. Войскаон командуйта ме.

Шахтаров (*пырö*). Господин капитан! Виччысь-тöм юör.

Саблин. Мый сэтшöмыс?

Шахтаров. Изъвайылын котыртчöма ыджыд партизанскöй отряд.

Ротмистров. Вот аддзанныд!

Саблин. Карта вайö татчö! (*Ставныс матыстчöны пызан дорö.*)

Шахтаров. Налön разведка волöма нин тайö сиктöдзыс.

Саблин. Кутшöм партизанъяс вермасны лоны тайö дикöй местаас?

Шахтаров. Сэни пö олöны кутшöмкö зэв отчаяннöй кыйсьысьяс.

Саблин. Кодi найöс вермас организуйтны да вооружитны?

Ротмистров. Кыйсьысьяс оружиетöг оз свны.

Шахтаров. Разведчикъясслön вөлöмны винтовкаяс да бомбаяс.

Ротмистров. Вот и бара пробка. Партизанъясид татшöм вөръясад зэв опаснöй врагъяс. Найö тани чувствуйтöны асьнысö кызди гортаныс. Тöдöны быд трöпа, быд пу... бура кужöны ориентируйтчыны...

Саблин. Кык лун мысти найö ставныс, кодъяс лысьтисны лэптыны мян вылö кинысö, кутасны öшавны пу увъяс вылын. Прапорщик, öни жö дасьтöй вöла отряд да лöсьöдчöй туйö! (*Подносön пырö Лиза.*) Мед и мянлы тшöтш вövъяс вайödасны.

Шахтаров. Кывза. (*Петö.*)

Лиза. Господин капитан, завтрак гöтов. Қора. (*Пырö комнатаö.*)

Саблин. Туй бөрүн зэв бур подкрепитчышгны.

Дежурной (пырö). Господин капитан, тiян дорö кутшöмкö доброволецъяс вöзйысьöны.

Саблин. Доброволецъясöн и мобилизацияөн займитчас поручик Ротмистров. (Пырö комнатаö.)

Ротмистров. Лэдзöй, мед пырасны. (Дежурной мунö. Комнатаысь петö Лиза.) Сударыня! Прöститöй, кызди тiянöс шуöны?

Лиза. Лизаөн.

Ротмистров. Лизаөн? Чудесной ним. А кымын арöс тiянлы?

Лиза. Дас öкмыс регыд тырö.

Ротмистров. О, самöй розъялан кад. Лоам тöдсаöсь, поручик Ротмистров.

Лиза. Зэв приятнö. Кутшöм уна чунькытшыс тiян! (Пырöны Егор да Шомесов. Лиза петö.)

Егор да Шомесов. Здравия желаем!

Ротмистров. Здравствуйте. Мый висъталан-ныд, господа?

Егор. Пояс тöдмавны, кодi тiян танi войскöвöй начальникыс лöö?

Ротмистров. Мыйла сiйö тiянлы колö?

Шомесов. Ми доброволецъяс. Воим служитны тiян армияын.

Ротмистров. Кытысь тi асьныд?

Егор. Танi комын верст сайын миян сиктным...

Ротмистров. Но, кызди сэнi олысьясыс виччысьöны миянöс?

Егор. Енлы кевмöны, мед тi öдйöджык воинныд. Дöзмисны коммунистьясысь, тшыгъялöны...

Ротмистров (Шомесовлы). Тi вöвлiнныд действительной служба вылын?

Шомесов. Так точно, ваше благородие, вöвлiм.

Ротмистров. Көнi служитiнныд?

Шомесов. 318-ой торъя гаубичной артиллерийской полкын. Вөлі русско-германской фронт вылын...

Ротмистров. Кор демобилизуйтчинныд сэтысь?
(Кыскө портсигар.)

Шомесов. 1917 во помын. Миян делöыс лон сидз... Разрешитöй öти папирос.

Ротмистров (сетö). Қора. (Егорлы.) Тi куритчанныд?

Егор. Так точно, курита, ваше благородие.

Ротмистров (сетö). Қора. (Öзтö кыкнанныс-лы.) Сидз.

Шомесов. Атгö. Делöыс миян тадзи лои: полкнымöс большевикъяс агитируйтисны временной правительстволы паныд, и Петроградын октябрьской событияс дырйи полкысь личной составыс кыпöдис бунт, став пушкаяснас вуджис революционной войскаяс дорö, изменитис присягалы. А кор ме гөгөрвои ставсö, шыбиті винтовкаöс, локтi гортö.

Ротмистров. Молодец! (Егорлы.) А тi?

Егор. Ме, ваше благородие, Порт-Артурын став японской войнасö прöйдитлi...

Саблин (нетö комнатасянь). Тi мый, поручик? Ме виччыся тiянöс пызан сайö. Татчöс купечьяс гөстеприимнойöсь... Но, кызди, шогмöны?

Ротмистров. Йöз быттьö туянаöсь. Но ме ог быд кывлы эскы. Прөверитны колö.

Саблин. Прөверитам. Лыйлыны найöс некор оз ло сёр, ковмас кö. (Пырö Шахтаров.)

Шахтаров. Господин капитан, менам кавалерийской отряд дас минута мысти лоö гөтов петны туйö.

Саблин. Вот тэныд ещö кык морт. Сетöй налы öружие, и босьт сьöрсыйд. Лоасны проводникъясöн. А öнi пыраламöй татчö, тiянлы колö подкрепитчыштны туйö петтöдз. (Саблин, Ротмистров да Шахтаров пырöны комнатаö.)

Шомесов. Вот и шедім ми тэкөд дзугйö. Бурөн татысь ог мынйö.

Егор. Көть ассыным юрнымöс пуктам, а ёртъяслы юортам. (*Видзöдö öшиньöд.*) Отрядыс со буретштуй вылас чукөртчö. Мун петав, төдмав ыджыд-ö лыдыс, эмöсь абу пулемётъяс. (*Шомесов петö, и пыр жö котөрөн пырö.*)

Шомесов. Вот чөрт! Вошим, Егор. Мый вöчны?

Егор. Надзöнджык! Мый лои?

Шомесов. Попов тані.

Егор. Кутшöм Попов?

Шомесов. Миян, Öндрей Яковлевичыд.

Егор. Кöни?

Шомесов. Тані, кильчö дорас сулалö. Муртса эг зурасьйö.

Егор. Оз вермы лоны. Öтнас?

Шомесов. Öтнас.

Егор. Ог гөгөрво. Кыдзи сійö татчö воис? Мыйла?

Шомесов. Меным кажитчö, мый сійö пышйöма Изъвайыссыд. Изменитіс миянлы, прохвосгыд. Со сійö сулалö. Лакируйтöм сапöга, морöсас медаль öшöдöма.

Егор (*видзöдö öшиньöд*). Да, сійö. Вот сволочыд!

Шомесов. Мый öни вöчны кутам? Сійö быд здук вермас пырны татчö.

Егор. Мун пет сараяс. Вузалас кö, ловйөн ог сетчöй. (*Шомесов петö, Егор видзöдö öшиньöд.*) Вот зараза... (*Пырö дежурной, мунö комнатаö. Сэтысь петöны Ротмистровкöд.*)

Ротмистров (*Егорлы*). Ті он төдöй тайö мортсö? (*Индö öшиньö.*) Эсійöс, лакируйтöм сапöгасö?

Егор. Первойысь аддза. А мый?

Ротмистров. Задержитöмаöсь сійöс. Висьталö: красной разведчикъяс пö тані сиктас эмöсь. (*Пырö комнатаö.*)

Егор. Сідзкө, сійö төдө, мый ми танось. Но, вич-
чысь, паразит! Ми кө ог мунöй, и тэ татысь ловйөн он
мун! (*Öдйö петö. Комнатасянь петöны Саблин, Рот-*
мистров да Шахтаров.)

Саблин. Вөвъяс гөтовось?

Ротмистров. Гөтовось, господин капитан.

Саблин (*Шахтаровлы*). Тиянлы ставыс гөгөр-
воана?

Шахтаров. Гөгөрвоана, господин капитан.

Саблин. Кык пулемётыс тырмас?

Шахтаров. Тырмас.

Саблин. Действуйтöй. Патронъяс эн жалитöй.

Ротмистров. Господин капитан, эм задержи-
тём морт.

Саблин. Пуксьөдöй пока.

Ротмистров. Висьталö, тани пö эмось краснöй
разведчикъяс.

Саблин. Кытысь сійö төдө? Гашкө ачыс развед-
чик? Пыртöй татчö. (*Ротмистров петалö, пыртö*
Поповс.)

Попов (*пөрччö шапкасö, копрасьö*). Здравствуй-
те, господа!

Саблин. Кыдзи фамилияыд?

Попов. Попов.

Саблин. Документъяс эм?

Попов. Документъяс ме эг вермы съöрысь босьт-
ны: тэрмаси.

Саблин. Кытчö тэрмасинныд?

Попов. Вои висьтавыны, мый тиянын эмось крас-
нöй разведчикъяс.

Саблин. Кымынөн?

Попов. Кыкөн. Партийнöй йöз. Партизанскöй
отрядсянь.

Саблин. Тi төданныд найöс?

Попов. Ачымöс моз жö.

Саблин. Приметаяс?

Попов. Ётиыс паськыд пельпомъяса, латшкó-
сіник, руд уска.

Саблин. Мөдыс?

Попов. Мөдыс тожө уска, стройной морт. (*Кылө
луйём шы.*)

Саблин. Мый сэні? Қоді лыйсьö? Поручик, кө-
нөсь доброволецьясыд?

Ротмистров. Сөмын на тані вөліны.

Саблин. Вайөдөй найөс татчө. (*Ротмистров петө.
Бара кылө луйём шы.*) Безобразие!

Шахтаров (*өшинь дорын*). Салдатьяс мыйкө
котралөны. (*Ротмистров пырө.*)

Саблин. Мый сэні?

Ротмистров. Виөмаөсь часөвөйөс...

Саблин. Мый?

Ротмистров. Доброволецьясыд виөмаөсь часө-
вөйөс да пышйөдөмаөсь миянлысь вөвьяснымөс.

Саблин. Вөтөдны! Оні жө ловйөн татчө вайөдны!
Приказывайта пырысь пыр наступайтны Изывайылө!

З а н а в е с . .

КОЙМӨД ДЕЙСТВИЕ

Витөд картина

Сиктса улича. Мөд картиналөн обстановка. Сёр рыт. Гөгөр
чөв-лөнь. Амбар дорө локтө Карлампей. Кывзысьö. Сэсся надзө-
никөн матыстчө штаб өшинь дорө, өшинь пырыс видзөдө
пытшас.

Савать (*локтө*). Но мый, другө?

Қарлампей. Председатель гортас ни тані абу.

Савать. А тэ корсь, кыйөд... Виан кө сийөс вой-
нас — аски жө ысты менсьым нылөс коравны.

Карлампей. Сійо оз радейт менö, Саватий Митрофанович.

Савать. Прикажита кө, быть радейт. И Прокопей Сергеевич наградитас тэнö. Локтöны... Смотри, эн прöмакнитчы. (*Кыкнанныс мунöны. Локтöны Илья да Маура.*)

Маура. Кутшöма друг пемдiс. Но, ме муна, Илья, сёр нин.

Илья. Кытчö?

Маура. Гортö. Анна Павловна виччысьö, и кильчöным восьса. (*Локтö Митрей. Маура саймовтчö.*)

Митрей. Илья, тайö тэ? Некод на эз волы?

Илья. Эз.

Митрей. Тешкодь. Мыйöн шалён сэнi помассис делöыс?

Илья. Кутшöм делö?

Митрей. Пыр на думайта Печораса разведчикъяс йывсьыд. Вермисны эз прöйдитны? А тэ, Маура, мыйла дзевсин?

Маура. Ме эг дзевсьы, ме сiдз...

Митрей. Но, но, тырмас тiянлы. Ме öд тöда.

Маура (*яндысьöмөн*). Мый тэ, Митрей Митреевич...

Митрей. Нинöм, нинöм, сы вылö и том кадыс. И ме коркö том вöвлi: гуляйтлi, радейтчылi... А öнi сiйö кадыс ылö кольöма, и некор нин оз бергöдчы. Завидьта тiянлы, том йöзлы. Помассяс война, лöнясны медбөръя залпъяс, бурдасны ранаяс, тi гётрасянныд, и кутанныд овны шуда олöмөн...

Маура. А война бöрас кутшöм олöмыс лоас, Митрей Митреевич?

Митрей. Сэки гöль ни озыр оз ло. Вöчам коммуна, öтлаын кутам уджавны, велöдчыны... Сэки сэтшöм олöм лоас — кувнытö оз ков. (*Кылö гыма-лöм шы.*)

Илья. Ыджыд кымөр кыпөдчө, зэрмас чорыда.

Митрей. Да, Изъвайыв весьтө чукөрмө сiм съод кымөр... (*Көнкө кылө кузя шутөвтөм.*)

Илья. Ю саяс шутьялөны кодьяскө.

Митрей. Нолтө, котөртлөй, төдмалөй.

Илья да Маура мунөны. Локтөны Яков да некымын партизан.

Митрей. Воинныд? Лунтыр тiян йылысь думай-тiм. Но, кызди?

Яков. Вражескөй разведчикъяслы туйсө ородөма. Сизимөс виим, а мукөдыс вөрө пышйисны.

Митрей. Молодечьяс!

Яков (*сетө Митрейлы полевөй сумка*). Вот.

Митрей. Мый тайө?

Яков. Секретнөй документъяс, өти виөм унтер-офицерлысь босьтi.

Митрей. Тайө зэв важнө. Тi вөчинныд зэв ыджыд удж. (*Локтөны Терентий да Павел.*) И тi воинныд? Поповсө вайөдiнныд?

Терентий. Прөзевайтiм, Митрей Митреевич. Вот тiянлы и Ондрей Яковлевич, вот тiянлы и активист.

Митрей. Мый нө, абу гортас?

Терентий. Сiйө абу йөй, төдiс, мый сы бөрся вөтчасны. Соседъясыс висьталiсны: волөма гортас, пасьтасьөма да вөлөн гөнитөма, а кытчө — оз төдны.

Митрей. Ставыс гөгөрвоана.

Павел. Кызди нө тайө змейсө ми водзджык эг вермөй төдмавны?

Митрей. Егор да Опонасей йылысь нинөм эн кывлөй?

Терентий. Найө важөн нин арестын пукалөны, көнкө, эз кө нин лыйлыны.

Павел. Войыс тревожнөй, Митрей Митреевич.

Митрей. Пемыд лои. *(Терентийлы.)* Босьт морт дасос, и они жо мундой Ухта туй выло. Асылодзис сулаланныд сани. И непременно сьорсьыд босьтой поньясто.

Терентий. Ясно.

Митрей. Талунсянь Изьвайыв военной положение вылын. Став подозрительнойяссо куталой, вайодой штабо. Павел да Илья лоасны тэнад распоряжение улын.

Терентий *(Павеллы)*. Мөдим, Павел. *(Мундоны.)*

Татьяна *(локтө)*. Митя!

Митрей. Татьяна, тэ?

Татьяна. Тэ мый, гортад туйсо он аддзы?

Митрей. А тэ мыйла он узы?

Татьяна. Ме ог вермы спокойнойа узыны, кор тэ абу гортын. Бара мыйкө лои?

Митрей. Нинөм эз.

Татьяна. А мый тани сулалан? Абу өмой нинвой? Мый кывсьо?

Митрей. Пока ставыс важыс.

Татьяна. Он косйы висьтавыны меным?

Митрей. Ме тэыс некор на нинөм эг дзеблы.

Татьяна. А они дзебан. Менам сьолөмой мыйкө абу местаын...

Митрей. Егор да Опонасей йылысь төждыся... Гашкө, смерть выло найос ысти. *(Кылө гымалөм шы.)*

Татьяна. Со кутшома гымавыны кутис. Мунам гортө, сани челядь өтнанысь, повзясны. *(Кылө ылысса лыйөм шы.)* Лыйис кодкө.

Митрей. Оз кужны оружиенаныс вөдитчыны. *(Бара кылө некымынысь лыйөм.)*

Татьяна. Лыйсьоны! Тэ кылан, лыйсьоны! *(Кылө жынняянө кучкалөм шы.)* Мый тайо?

Митрей. Тревога, Татьяна! Котөрт челядь дорад! *(Кылө локтысь вөвлөн кок шы. Штабысь петөны Яков да мукөд партизаньяс. Котөрөн локтө Егор.)*

Митрей. Егор! Тэ? Ловъя?

Егор. Белёйяс!.. Пос дорын белёйяс! (*Бувгё жыннян. Лыйсьём шы пыр паськалө.*)

Пемыд.

Сійо жё обстановка. Водз асыв. Сомын помасьёма бой. Кильчө дорын сулалёны некымын нывбаба. На пөвстын Марпа.

Первой нывбаба (*пернапасасьё*). Господьё, господьё! Мый вөлі!.. Мый вөлі!..

Мөд нывбаба (*видзөдө кытчөкө*). Пыр на мыйкө котралёны. Гашкө, бара на лыйсьыны кутасны?

Қоймөд нывбаба. Вот стракыс! Миянлысь медбөрья самөварнымөс өшинь пыр пулянас розьө-дiсны.

Марпа. Вот и война! Видзөдөй, видзөдөй, кодъясөскө вайөдөны.

Локтө Егор.

Егор. Эк, бабаяс, самөкур парта эськө оз мешайт өні!.. (*Шапкатөм, көмтөм, пицальөн локтө Павел.*)

Павел. Ур-р-а! (*Бабаяслы.*) А ті мый вомтө паськөдөмныд? Горзөй: «Ура!»

Марпа. Благөслөви кристос! Мый тэкөд лои? Йөзсө повзьөдан.

Павел. Ур-р-а-а! Победа! Сдайтчисны, сволочьяс!

Егор. Тэ мый горзан?

Павел. Егор! Сө муса друг, вай ме тэнө окышта, сюра лешакөс.

Егор. Öнi позяс и окасьны. (*Окасьёны.*) Пуксьы, шөйччы.

Павел. Қутшөм пуксьөм. Ме сөмын на пузыны заводиті.

Егор. Сөрөн, сөрөн тэ пузын. Öнi кад нин көдзавны.

Павел. Тэ ещö он на тöд менсьым характерöс!
Ме дыр ог вермы скөрмыны, а скөрма кө — сэки кут-
чысь, о-рö-да!

Марпа. А паськöмыд тэнад көні?

Павел. Чöрт ськөд! Сэні, öкты... (*Чургöдö кияс-
сö, горöдö*) Ур-р-ра! (*Мунö.*)

Марпа. Кытчö тэ? Дзикöдз выживмöмыд, Па-
вел! (*Котöртö сы бöрся. Нывбабаяс разöдчöны. Локтö
Анна. Сылы воча котöртö Маура.*)

Маура. Анна Павловна, некысь Ильяöс ог вермы
корсьны... Ловъя-ö сійö?..

Анна. Эг аддзыв, донаöй. Но тэ эн волнуйтчы...
Маура. Ой, ог вермы, ог вермы... Гашкö, сійöс
виисны... Господи!

Анна (*Егорлы*). Ми сэтшöм радöсь, мый ті бөр
воинныд. Сэтшöма шогсим тиян вöсна, волнуйтчим...
А Опонасей көні?

Егор. Крутöяс гөнитіс... Анна Павловна, пöжар-
нöй сарай дорын раненöйяс эмöсь, отсöг колö налы...

Анна. Котöрта, котöрта... (*Мунöны Егоркөд.
Локтö Илья. Сійö вевъялöма нин öшöдны трофейнöй
шашка.*)

Маура. Ильюша! (*Уськөдчö сы дорö.*)

Илья. Маура! (*Куглö.*) Венім, Маура...

Маура. Ловъя... дзоньвидза... рöднöй тэ менам...
(*Илья ышловзбö.*) Мый сэтшöм сьöкыда лолалан?
Шыбит вылыссьыд тайö сійöссö, лöсьöдышт юрситö...
Илья. Несчастье менам, Маура...

Маура. Кутшöм несчастье? Тэ эн повзбöдлы
менö...

Илья. Гнедкоöс вошти.

Маура. Воштин?

Илья. Попов виис сійöс. Меным лыйис, а веська-
лі Гнедколы.

Маура. И Попов накөд вөлі? Но, эн шогсы, зарной менам, мөд вөв аддан, мед сөмын ачид дзоньвидза вөлін. Мунам мянө чай юны.

Илья. Сулавлы, тадзи абу лөсыд, колө көть вежсыны.

Маура. Ме тэнө и тадзи радейта. Кутшөм страшной войыс вөлі...

Илья. Бушколыс прөйдитис. Видзөд, бара со шонди петис. (*Окасьоны. Локтоны Павел да Марпа.*)

Павел. Видзөд, видзөд, окасьоны.

Марпа. Эн мешайт томьясыслы. Тэ өд коркө менө окавлін жө.

Павел. Ме? Тэнө? Ог помнит! (*Локтоны Митрей, Егор, Яков, Терентий да мукөд партизанъяс.*)

Яков. А бура тайө ставыс артмис!

Митрей. Первой удар ми выдержитим, но радлыны водз на. Тышыс сөмын на заводитчө... Боеприпасьясөн мян делөыс омөль. (*Кылө лыйөм шы.*) Коді сэні лыйсьө?

Яков. Тайө Карлампей.

Илья. Тыш дырйиыс көнкө гуын куйліс, а өні ракаясөс лыйлө...

Митрей. Чукөстлөй сійөс.

Терентий. Эй, тэ, гөгөра! Волы татчө. (*Локтө Карлампей.*)

Карлампей. Мый нө нин?


Митрей. Тэ кытчө патронъяссө лыйлан?

Карлампей. А тэныд кутшөм делө?

Терентий. Кыдзи кутшөм делө? Тэкөд командир сөрнитө.

Карлампей. Адзылім ми татшөм командиръястө.

Павел. Мый тэ сөран?



Карлампей. Тэнö оз юавны. Командиръяс вет-
лөдлөны! Ме морт беспартийнöй, и жалöванье налысь
ог босьт. (*Возмуцайтчан гөлөсъяс.*)

Яков. Öти здук, ёртъяс. Миян пиын эмось слу-
чайнöй йөз, кодъяс нарушайтöны отрядын дисциплина.
На пиысь öти со — сулалө тиян водзын. Тöрыт сийö
тшөктытөг пост вылысь мунöма...

Карлампей. А мый, юасыны кута тэнсьыд?
Тырмас тиянлы ми вылын ездитны. (*Шум.*)

Митрей. Ёртъяс, мый вöчны татшөм йөзыскөд?

Терентий. Вөтлыны колö, чөрту...

Гөлөсъяс. Правильнö! Важөн кад...

Митрей. Яков Васильевич, босьт сылысь винтов-
касö.

Яков (*локтö Карлампей дорö*). Вай татчö вин-
товкатö.

Карлампей. Винтовка? Кор меным сетлин
сийös?

Яков. Эн балуйт!

Карлампей. Эн матыстчы! Винтовка ме некод-
лы ог сет.

Егор (*пуктö сы винтовка вылө кисö*). Мынтөд
китö. (*Карлампей лэдзö кисö.*) Вот тадз.

Митрей. А öни убирайтчы, кытчö гажыд.

Карлампей. Бур. Тi ещö казтыштланныд на
менö! (*Котöртö. Локтöны партизанъяс. Ворсö гудöк.*)

Егор (*шыбитö муö шапкасö*). Эк, кöни менам дас
көкъямыс арөсöй? Павел, важөн нин ми тэкөд кок-
пыдöснымöс эг нöйтлывлöй...

Терентий. Паськөдчыштöй. Сетöй матрослы
местасö!..

Павел. И-эх, мамöй менам!.. (*Заводитчö йөктөм.*
Мыччысьö Шомесов, улыс дөрөм кежысь, шапкатөм,
няйтöсь.)

Митрей. Лённыштлөй! (Ставыс лөнбө.) Петрович, тэ мый?

Шомесов (сьоқыда пуксьө кильчө пос вылө). Водз гажөдчанныд, ёртъяс, белөйяс босьтисны Крутой.

Яков. Қор? (Ставон вөрзьөны.)

Шомесов. Талун асыв. Оні грабитөны крестьянаос.

Митрей. Кысянь найө воисны?

Шомесов. Печорасянь. Ме куимос виин, сэсся патронөй быри...

Егор. Кывлінныд?

Гөлөс. Дерт, кывлім.

Егор. Кывлінныд кө, мый сэсся вомъястө паськөдінныд?

Митрей. Сулавлы, Егор. Паникатөг. Терентий, гөнит Лайковоө, кыпөд ставсө! (Терентий котөртө.)

Яков (Шомесовлы). Отрядыс ыджыд?

Митрей. Налысь лыдсө ми төдмалам сэні, Илья, тревога! (Илья котөртө. Кылө жыннянө кучкалом шы.) Лөсьөдны вөвьяс, өружие, гөтөвитчыны ставлы туйө! (Партизанъяс разөдчөны. Митрей сувтөдө Егорөс.) Боеприпас, Егор, быран выйын. Делөыс омөль... Босьт кык мортөс и гөнит Помөсдинө, краснөйяс штабө.

Егор. Кывза!

Митрей. Боеприпастөг эн локтөй. И эн вунөдөй вайны бинт да иод.

Егор. Куш киөн ог локтөй! Кутчысьөй...

Митрей. Кутам тышкасыны помөдз. Прөщай.

Кутчысьлөны, окасьөны да мунөны өтарө-мөдарө. Кылөны гөлөсьяс: «Крутойө!» Вөвьяслөн гөрдлөм, гөнитөм шыяс. Шум. Котөрөн локтөны Анна да Маура. Кайөны кильчө вылө, өвтчөны чышъяннаныс.

З а н а в е с .

Квайтӧд картина

Белӧйясӧн босьтӧм сикт. Нельӧд картиналӧн обстановка. Нинӧм абу вежсьӧма. Джодж шӧрын сулалӧ салфеткаӧн вевттьӧм пызан. Гӧгӧрыс улӧсьяс. Комнатасянь кылӧ сералӧм. Котӧрӧн петӧ Лиза, сы бӧрся Шахтаров.

Лиза (*котӧртӧ пызан сайӧ*). Он кут.

Шахтаров. Ог кут?

Лиза. Видлӧй. Қиясныд дженьыдӧсь.

Шахтаров. Но виччысь. (*Вӧтлысьӧ Лиза бӧрся пызан гӧгӧр. Кутӧ сийӧс.*) Сувт!

Лиза (*горзӧ, пессӧ*). Лэдзӧй! Лэдзӧй, мися, ой, доймӧ... Но, тырмас, Ардальон Семёнович. Тіянсянь сэтшӧма табак дук кылӧ... Поручикыд локтӧ.

Шахтаров (*лэдзӧ Лизаӧс*). Не кӧ поручик, эськӧ...

Лиза (*зыралӧ бокъяссӧ*). Ті, Ардальон Семёнович, он кужӧй балуйтнысӧ. Ой, быттьӧ клещиӧн топӧд-лінныд, лыясӧй быдӧн дзуртыштисны.

Шахтаров. Сэтшӧма радейта, Елизавета Ивановна. (*Қисьталӧ вина.*) Юам мекӧд ӧти чаркаӧн.

Лиза. Ог кӧсйы, настроение абу.

Шахтаров. Но, ӧтитӧ позьӧ, буретш настроениетӧ кыпӧдӧм ради.

Лиза. Мый ті ме дорӧ сибдінныд? (*Босьтӧ вина.*) Тіян победа вӧсна. (*Юӧ.*) Аддзылінныд?

Шахтаров. Молодчина! (*Юӧ.*)

Лиза. Қор тіян капитанныд воас?

Шахтаров. Регыд должен воны.

Лиза. А кытчӧ, мыйла сийӧ муніс?

Шахтаров. Штабӧ корисны. Тыдалӧ, эм кутшӧм-кӧ выль приказ.

Лиза (*ӧшинь дорын*). Пуяс вылысь став корйыс нин киссис. Бара локтӧ кӧдзыд тӧв. Кымынӧд тӧлысь нин ті миян сиктын сулаланныд?

Шахтаров. Кажитчө, витсө, пöжалуй, унджык.

Лиза. Вит тöлысь нин тi сулаланныд танi, няйтсö лоянныд, а первойсö пыр жö кöсийнныд петны Эжваö.

Шахтаров. Öти-кö, миянлы тэрмасьнысö некытчö. А, мөд-кö...

Лиза. А мөд-кö, Изьвайывса партизанъяс тупкисны Эжваö петан туйсö, и йөрминныд татчö, кызди ку-каньяс.

Шахтаров. Да Тi, ме аддза, и военной делöяс тшöтш гөгөрвоанныд?

Лиза. А мый сэни гөгөрвонысö? Мый партизанъяс тiянс гөгөрбок нöйтöны — тайс кöть кодi гөгөрвоас. Омоль воякаяс тi, Ардальон Семёнович.

Шахтаров. Изьвайылын партизанъяслөн настöщöй крепость. Найö контролируйтöны став районсö...

Лиза. Кутшöм сэни крепость? Сийö тiянлы кажитчö, сы вöсна мый тi поланныд наысь. (*Ышловзбö.*) Кутшöм танi гажтöм да шуштöм овнысö...

Шахтаров. А мыйла тi танi оланныд? Тiян озырлунöн...

Лиза. Бать некытчö оз кöсий мунны. Танi пö зверь куяс, пöткаяс донтöг позьö нöбавны...

Шахтаров. Мунамöй миянö, Елизавета Ивановна. Менам батылөн эм кык пароход. Қор кöсьяныд, сэки и верманныд катыйтчыны.

Лиза. Ог, Ардальон Семёнович, ме думайта мөд-тор йылысь... Ме и бара нин коддзи. Мый тi ме вылö видзöданныд, и нинöм он шуöй? Тi öмöй он аддзö, мый ме выль платьеа?

Шахтаров. Ах, да! Аддза, аддза...

Лиза (*зеркалö водзын*). Қызди сийö ме вылын пукалö?

Шахтаров. Вывтi бура. Тi прöстö югъяланныд талун.

Лиза. Кажитча ме тiянлы тайö платьенас?

Шахтаров. Тi менö кок йылысь джөмдөдлан-
ныд. (*Кутлө сийөс.*) Лэдзöй меным öтчыд окыштны
Тiяннөс.

Лиза. Оз позь, ог разрешайт.

Шахтаров. Елизавета Ивановна, сөмын öтчыд...
(*Кутö, окалө. Пырö Ротмистров.*)

Ротмистров. Ме эг мешайт тiянлы?

Лиза. Серёжа! (*Йөткыштö Шахтаровөс.*) Вот
аддзан? (*Ротмистровлы.*) Кытчö тэ вошлiн? Эновтiн
мияннөс.

Ротмистров. Тiянлы, кызди ме аддза, и метög
зэв гажа.

Лиза. Кутшөм гаж! Кыдзи тэныд абу яндзим!

Ротмистров. Прапорщик! Отрядөн муна
Гажа Ягö, Беловлы подкрепление вылө.

Шахтаров. Кор?

Ротмистров. Дзик пыр! (*Шахтаров мунö.*)

Лиза. Кытчö тэ вошлiн? Мый чөв олан? (*Пуксьö
сылы водзас.*) Тэ ревнуйтан менö?

Ротмистров. Да, ревнуйта.

Лиза. Ме жö шутита...

Ротмистров. Тадзи оз шутитлыны.

Лиза. Ме абу мыжа, мый Ардальон сэтшөм на-
хал. Но, эн скөрмы. (*Окалө сийөс.*) Ме радейта сөмын
тэнö. (*Сетö гитара.*) Ворсышт мыйкө, ме сiдзи радей-
та, кор тэ гитара ворсөм шыö сбылан.

Ротмистров (*ворсö, сбылө*).

Да, час настал, тяжёлый час,
Для родины моей.
Молитесь женщины за нас,
За ваших сыновей. (*Думайтö.*)

Лиза. Мый тэ сэтшөм шог талун?

Ротмистров. Радлыныыс нинөм вылө.

Шахтаров (пырö). Господин поручик! Беловлысь отрядсö дзоньнас жугöдöмаöсь... Ачыс Белов пöгибнитöма...

Лиза. Мый, мый тi висьталанныд? (Котөрөн петö.)

Ротмистров. Кызди тайö лоöма? Кöни?

Шахтаров. Ветымын верст сайын. Уськöдчöмаöсь немвиччысьтöг...

Ротмистров. Партизанъяс век немвиччысьтöг уськöдчывлöны.

Шахтаров. Тайö абу партизанъяс, а кутшöмкö бордья дьявöльяс!

Ротмистров. Партизанъяс — вообщö опаснöй йöз. Тэ лыддьывлин 1812 вося Отечественнöй война йылысь? Помнитан, кутшöм роль сэки ворсисны русскöй партизанъяс Наполеонлысь великöй армиясö пасьвартöмын?

Шахтаров. Сэки партизанъяс кыпöдчылисны иноземнöй полчищеяслы паныд.

Ротмистров. А öни кодлы паныд найö кыпöдчисны? Тэ, прапорщик, ещö зэв на том. Вот Попов вöли уверен... Да, кöни Поповыс? Сийö ловья?

Шахтаров. Вöли Белов отрядын, но тожö эз во. Либö виöмаöсь, либö пленö босьтöмаöсь.

Ротмистров. Жаль, сийö ещö вермис на лоны пöлезнöйөн миянлы. Мунöй, разместитöй раненöйясöс. (Шахтаров мунö. Пырö Лиза.)

Лиза. Кутшöм ужас! Бара партизанъяс уськöдчылöмаöсь. Володя Рочевлөн кийс плеть моз öшалö, Семёновлысь банбоксö пельнас и ставнас нöбöдöмаöсь, и джын йöзыс отрядсыс пöгибнитöма... Серёжа! Мый нö тайö татшöмыс? Регыд найö, проклятöйясыд, и миян вылö уськöдчасны. Мый тэ чöv олан?

Ротмистров. А мый ме верма шуны? (Кисьтö вина.)

Лиза (*босьтö стöкансö*). Тэ кöть эн нин ю сэсса, ради бога, тырмас.

Ротмистров. Меным öнi дзик öткодь, юа кöть ог, ставыс öти помö...

Лиза. Кутшöм помö? Ме ог гөгөрво, мый тэ сёрнитан?

Ротмистров. Войнаыслөн матыстчö пом.

Лиза. Но и слава богу, сийö и бур. Ми мунам сэки тэнад имениө.

Ротмистров. Öдвакö ме верма тэныд тайöс кöсийсыны.

Лиза. Тэ бөр босьтан ассыд кывъястö? Тэ жö кöсийсин мекöд öтлаасыны? Гöтрасям пö...

Ротмистров. Войнаыслы, Лиза, воö пом, но кутшöм пом?

Лиза. Тэныд, тыдалö, бара нин лишнöй лоöма талун.

Ротмистров. Ме абу на сэтшöм код. Ме аддза, мыйөн тайö ставыс помасяс. Миян благороднöй союзникъяс роксö пуны отсалісны, а панявнысö öтнаным кутам. Сволочьяс!

Лиза. Мый тэкöд талун? (*Пырö Попов.*)

Ротмистров. Вот тэныд и на! Тэ ловъя? А ми нин лыддим покойникөн.

Попов. Водз ті менö гуавны кöсьянный, ме сирöd мыр кодь. Господин поручик, менам эм официальной сёрни.

Ротмистров. Ме кывза.

Попов. Тані эмöсь бокöвöй йöз. Ме эськö кöсий...

Ротмистров. Тані бокöвöйыс некод абу, Елизавета Ивановна менам будущöй гөтыр.

Попов. Но пока ещö абу на гөтыр, и кывзыны сылы...

Лиза. Ог кут мешайтны тiяны. (*Мунö.*)

Попов. Господин поручик, вайö меным отряд.

Ротмистров. Мыйла?

Попов. Дөверитөй меным кавалерийскөй отряд, и ме аски жө бырөда тайө краснөй бандасө.

Ротмистров. Татшөм кывъяс жө төрыт висьтавліс меным Белов. А көні сійө өні? Мөдар югыдын, ог кө өшибайтчы.

Попов. Сета тиянлы кыв — бырөда. Ог кө вөч, лыйлөй менө.

Ротмистров. Капитан вотөдз ме ог сет некодлы ни өти салдатөс. Логлун тэнад партизанъяс вылө ыджыд, но налөн лөглуныс миян вылө даспөв ыджыд-джык. (*Кисьтө вина.*) На, ю и успокоитчы.

Попов (*вештө стөкансө*). Ог көсйы.

Ротмистров. Тэнад делө. (*Юө ачыс.*)

Попов (*скөрысь видзөдө сы вылө*). Висьталөй, поручик, мыйла ті юанныд? Кутшөм успехъяс вөсна? Гөгөр ставыс киссьө, муыс миян кок улысь мунө, а ті быд лун кодөсь. Ті жө русскөй армияса офицер. (*Пуксьө, тупкө кияснас чужөмсө.*)

Ротмистров. Тэ бөрдан? (*Пуктө сылы пельпом вылас кисө.*) Эх...

Попов (*скөрысь чеччө*). Ставсө лоө доложитөма капитанлы! (*Петө.*)

Ротмистров. Коньөрөй дай мортөй...

Лиза (*пырө*). Серёжа, мый тэ сулалан? Капитаныд воис...

Ротмистров. Кызди воис?

Лиза. Ме ачым аддзылі. Сэтшөм скөр...

Ротмистров. А тані некутшөм порядок...

Лиза. Мун, мун, ме вөча. (*Ротмистров петө. Лиза лөсьөдө скатерть, улөсъяс, петө. Пырөны Саблин да Попов.*)

Саблин. Көні дежурнөйыс? Мыйла некод оз докладывайт?

Попов. Ог төд, господин капитан.

С а б л и н. Гөгөр беспорядок. Салдатъяс пöлатъяс-ын валяйтчöны, няйтöсь, пыктöмаöсь, ротйысьöмаöсь... Мый тайö, войска али цыганскöй табор?

Ш а х т а р о в (*пырö*). Здравия желаем, господин капитан!

С а б л и н. Корöй татчö поручикöс.

Ш а х т а р о в. Қывза. (*Мунö.*)

С а б л и н. Мый сийö тані вöчис?

П о п о в. Лун-лун юис да забавляйтчис купеч ны-лыскöд. (*Пырöны Ротмистров да Шахтаров.*)

Р о т м и с т р о в. Разрешитöй долож...

С а б л и н (*ярпырысь*). Тэ мый тайö, сволочь!..

Р о т м и с т р о в. Ме абу сволочь, ме поручик.

С а б л и н. Пьянствуйтан?.. (*Кутчысьö кабурас.*)

Лыя!

Р о т м и с т р о в (*кутчысьö кабурас жö*). Ме тожö оружиеа, и оскорбляйтны менö...

С а б л и н. Мыйла вöлі тэнö татчö кольöма? Юны да разлагайтны дисциплина? Пуксы, и öнi жö гиж объяснение.

Р о т м и с т р о в. Ме гижа, сöмын ог тiянлы, а генерал Миллерлы! (*Öдийö петö.*)

С а б л и н. Гиж кöть дьявöлыслы! (*Шахтаровлы.*) Öнi воас выль пополнение, лöсьöдчöй принимайтны найöс.

Ш а х т а р о в. Қывза, господин капитан!

С а б л и н. Господа! Тöрыт Юденич босьтöма Детскöй село и Павловск. Талун-аски решитчас Петроградлөн судьбаыс. Эжва вылын капитан Орловлөн экспедиционнöй отряд босьтöма Яренск, и öнi успешнöя наступайтö Котласö. Мөд отряд, Латкин юрнуөдöм улын, босьтiс Усть-Сысольск, Визинга, öнi мунiс Мурашиö. Воис кад и миянлы петны решительнöй наступлениеö. Господин прапорщик! Пыр жö стрöитöй став личнöй состав полнöй боевöй снаряжениеөн.

Шахтаров. Кывза. Кор кутам выступайтны?
Саблин. Кык час мысти.

Занавес

НЁЛЬӨД ДЕЙСТВИЕ

Сизимөд картина

Изьвайыв. Мөд картиналөн обстановка. Сёр рыт. Штаб өшиньөд тыдалө би. Ывлаас тревожнө. Отарө-мөдарө ветлөны йөз. Кылөны вөв кок шыяс. Помасьоны вөрө мунігкежлө медбөрья лөсьөдчөмъяс. Штабысь петө Терентий, юрыс көртөда. Локтө Шомесов.

Шомесов. Здорово, Терентий!

Терентий. Чолөм, дона друг. Тэ көні ветлан?

Шомесов. Кыдзи көні? Миян жө позиция...

Егорьяс воисны?

Терентий. Эз.

Шомесов. Неужели пөгибнитісны? Но, а тані кутшөм положениеыс?

Терентий. Некытчө туйтөм, Петрович. Жмитөны белөйяс. Миян бөрыньтчөмаөсь нин Вөльдінысь и Помөсдінысь. (Кост.)

Шомесов (*думайтгыр*). Тайө вывті омөльтор... Тэ эськө лучшө пельбокө кучкин, тайөс висьталөм до-рысь. Кор собраниеыс лоө?

Терентий. Тэ сөрмин, другө.

Шомесов. Вөлі нин? Вот чөртыд! Но, мый ре-шитісны, висьтась.

Терентий. Отрядным сэсся абу нин, Опонасей.

Шомесов. Кыдзи абу?

Терентий. Шуисны временнө распуститны.

Шомесов (*оз эскы*). Мый? Мый тэ шуин?

Терентий. Собрание шуис ставлы разөдчыны вөрө.

Шомесов (локтö Терентий дорö). Распуститны
отряд? Тi мый, йöйминныд?

Терентий. Збыль висьтала. Унджык йöзыс ра-
зöдчисны нин.

Шомесов. Ог верит! Ог верит! (Чеччыштö киль-
чö вылö да пырö штабö. Штабсянь петö Анна.)

Анна. Терентий, мый нö раненнойясыскöд кутам
вöчны? Уналөн кыптöма зев ыджыд жар, чеччыны
оз вермыны.

Терентий. Ковмас нартъяс вылын нуны. (Сёр-
нитигтырийи мунöны. Локтö Яков. Мөдар боксянь лок-
тö Илья.)

Илья. Яков Васильевич! Митрей тшöктiс öнi жö
ставлы чукöртчыны штабö.

Яков. Көнi сийö ачыс?

Илья. Заставаын. Регыд воас. Оборонаысь став
йöзсö снимитöма.

Яков. Сi-идз! Значит, вөрö? Вот, Ильюша, кутшö-
мось делöясыс.

Илья. Вöрыд миянлы рöднöй мам. Став пыран-
летан туйсö тöдам, писькөдчам краснöйяс дорö.

Яков. А көнөсь найö, краснöйясыс? Том на тэ,
Илья. Гожöмын кө, делöыс мөд вöли, а то öд лым, кок
туйяс... Но, ладнö, мун босьт көлуйтö да лок татчö.
(Илья мунö. Локтö Терентий.) Терентий, мун снимайт
постъяс вывсьыс йöзсö.

Терентий. Ме дзык пыр. (Мунö. Локтö Митрей.)

Митрей. Но, кыдзи тiян? Ставыс гöтов?

Яков. Пöшти.

Митрей. Йöзыс чукöртчисны?

Яков. Локталöны надзöник.

Митрей. Тэрмөдлыны колö. Документъясыд
кыдзи?

Яков. Мыйтакö сотiм, мукөдсö дзевим.

Митрей. Оружие?

Яков. Ковтөмъяссө чукөртим да дзедим жө.

Митрей. Ставсө прөверитөй. Сөмын регыдджык. Кызь минута мысти эновтам Изъвайыв. Да, пырав Егор ордө, гашкө сылөн кутшөмкө подозрительнойторъяс гортас эмөсь, колө дзедны. Найө, тыдалө, оз нин бөрсө воны.

Яков. Мый накөд вермис лоны?

Митрей. Либө виисны, либө веськалисны враг киө. Но ме некыз ог верит, мый ог аддзылөй Егорөс ловйөн. (Яков мунө. Штабысь петө Шомесов.) Петрович! Воин? Тэ мый сэтшөм скөр?

Шомесов. Командир ёрт, мый тэ вөчин?..

Митрей. А мый сэтшөмыс?

Шомесов. Мыйла отрядсө распустигин?

Митрей. А, тэ со мый йылысь.

Шомесов (гневноя). Распуститны татшөм отряд! Тайө жө преступление... тайө жө...

Митрей. Тэ эн пузы, сёрнит спокойнөя.

Шомесов. Ме ог вермы лоны спокойнөйөн татшөм позорнөй решение бөрын. Тэ жө отрядлы кыры-малін смертнөй приговор. Мый вөсна ми воджынсө тышкасим?

Митрей. Петрович, эг ме решит, а тадзи шуис общөй собрание.

Шомесов. Ме тайө решениеыслы ог подчинитчы.

Митрей. Тэ коммунист?

Шомесов. Да, ме коммунист, и ми кутам тыш-касьны.

Митрей. Кодъяс сийө «тіыс?»

Шомесов. Ми, Крутөйсаяс.

Митрей. Ог советуйт. Изъвайылө куимладорсянь белөйяс наступайтоны. Мыйөн ми найөс встретитам? Мыйла йөзсө нуны вернөй смерть вылө? Тэ эн думайт, мый миянлы кокныд вөлі примитны тайө решениесө. Миян могыс өні — видзны вынъяснымөс, мыйта коли...

Шомесов. Тайё сөмын мича кывъяс... Повзин-
ныд, дрөгнитінныд враг водзын. Но кытчө ми öні му-
нам? Коді миянөс виччысьö? Ми враг кытшынөсь...

Митрей. А мый, тэ ногөн, öні вöчны?

Шомесов (*решительнöя*). Тышкасьны помöдз!

Митрей. Мыйөн?

Шомесов. Миян ещö эмöсь на шашкаяс, штыкъ-
яс...

Митрей. Татшөм оружиенад пулемётъясыдлы
воча он водзсась. Öні колö саймовтчывны.

Шомесов. Кытчö? Бабаяслы юбка улас?

Митрей. Вөрö.

Шомесов. Но и мунöй, а ме некытчö ог вөрзьöд-
чы. (*Öдйö пырö штабö.*)

Митрей. Петрович! (*Локтö Анна.*) Но, Анна
Павловна, ковмас прöщайтчыны Тиянкöд.

Анна. Эн шуöй тайö кывсö... Луныс талун кутшөм
сьöкыд, йöймыны верман. Бытьö ставсö тайöс аддза
вөтөн. Оз, некор оз вун миян тайö луныс. Дмитрий
Дмитриевич. Сидз ставыс артмис...

Митрей. Миянөс эз жугöдны, ми оружие огö пук-
тöй. Тыш кутас мунны водзö, кольчанныд татчö, Анна
Павловна, и кутанныд миянкöд йитöд кутны.

Анна. Ми вöчам ставсö, мый вермам. Сöмын тi
видзöй асьнытö. (*Сёрнитигтырйи мунöны. Локтöны
Илья да Маура.*)

Илья. Вот и пристань. Вай мешöктö. Аттьö.

Маура. Тэ пыр на шутитан.

Илья. Тырмас, Маура, абу лöсьыд. Чышкышт
синватö.

Маура. Мед петас. Ме öні некодысь ог яндысь.

Илья. Пырам керкаас.

Маура. Сулав, эн на пыр. Олышт мекöд танi ещö
öти здук.

Илья. Тэ жö кынман.

Маура. Ог, ме ог кынмы. Гашкө и медбөръясы нин ми тэкөд тані сулалам. Вай көть видзөдла тэ вылө ещө отчид. (*Пуктө Ильялы морөс вылас юрсө.*) Ок, Илья, Илья. Тэ кө эськө төдін, кутшөм меным сьөкыд. Тэ мунан, а кызди нө ме?

Илья. Ми жө ог дыр кежлө мунөй. Ми регыд бөр воам краснойяскөд отлаын.

Маура. Мусаөй тэ менам, пырин тэ меным сьөлөмө ставнад. Некор менө, шудтөм нылөс, эн омөльтыв, эн отдортлы. Кутшөм долыд да кокни мен вөлі тэкөд коллявны кадсө. А өні тэ он ло. Қызди ме тэтөт мөда овны? Коді кутас пальөдны менсым шөгөс? Мыйла чөв олан? Шу көть ещө оти мелі кыв.

Илья. Тэ он вунөд менө?

Маура. Ог, некор ог вунөд, Илья. Көть мед ещө кузь лоө тайө торьялөмыс, менам радейтөм некор оз кус. Тэ пыр лоан менам син водзын.

Илья. Ов бура, эн шөгсы, и виччысь менө.

Маура. Пөдарит меным мыйкө на память.

Илья. Мый ме пөдарита? Нинөм менам сэтшөмыс сьөрысь эз ло.

Маура. Коль меным шапкасыд тайө лентасө.

Илья (*кыскө зепсыс револьвер*). На, босьт тайөс.

Маура. Мый тэ? Сийө тэныд аслыд ковмас. Ог, тайөс ог босьт.

Илья. Босьт. Сэні сөмын оти патрон. А сийө меным сөмын лишнөй груз. На, босьт, и видз.

Маура (*босьтө револьвер*). Ме кута видзны и казтьывны тэнө быд лун. (*Локтөны Марпа да Павел.*)

Марпа. Лок нин, лок өдийөджык. Мый бара сувтін? Йөзыс, гашкө, мунісны нин. Ёна жө сьөкыд нопыд.

Павел. Вөрад, аканьөй, ставыс ковмас.

Марпа (*бөрдө*). Қытчө бара ми тіянөс тадзсө колльөдам-а? Гашкө и медбөръя туйө?

Павел. Эн бөрд. Ми ещö тэкöд Илья свадьба вы-
лын сывны горöдлам, и йöктыштам на. Тэ, Илья, кор-
лаң мянöс свадьба вылад?

Илья. Мыйкö тай сёрнитан! Кыдз нö ог.

Локтöны партизанъяс, найöс колльöдöны гöтыръясныс. Ставныс
пырöны штабö. Кыйöдчигтыр локтö Прокö. Кывзысьö. Тыдовтчö
Савать.

Савать. Прокопий Сергеевич...

Прокö (*дрөгнитö*). О, чöрт! Повзьöдин... Мый?

Савать. А ми тэнö корсям. Карлампей воис.

Прокö. Көнi сийö?

Карлампей (*локтö*). Ме танi, Прокопей Сер-
геевич.

Прокö. Но, мый, другö? Висьтав öдйöджык, кыдзи
сэни?

Карлампей. Миян локтöны.

Прокö. Дыр жö найö локтöны... ме нин дöзми
дзёбсясьнысьö.

Карлампей. Регыд заводитчас атака. Менö вит
морткöд ыстисны татчö, медем танi заводитны дейст-
вуйтны.

Прокö. Көнi Öндрейыс? Ловъя-ö сийö?

Карлампей. Сийö вöла отрядöн сиктсö кы-
тшовтны мунис. Регыд, Прокопей Сергеевич, тайöяслы
пом воас.

Прокö. Помавнысьö некодöс лоö. Мунöны.

Савать. Главнöй коммунистьясыс танöсь на.

Карлампей. Колö найöс кутны.

Прокö. Колö туйсö ордны. Көнöсь тэнад йöзыд?
Мун, вайöд найöс рынышьяс дорö.

Карлампей. Дзик пыр! (*Котöртö*.)

Прокö. Господи благöслöви. (*Пернапасасьö*.) Мед
войыс отсалас мянлы. Мöдiм, Саватий. (*Мунöны*.)

Локтö Анна. Кайö кильчö вылö, видзöдö водзö. Локтö Терентий.)

Анна. Видзöд, Терентий, мый нö тайö? Пöжар кö-а?

Терентий. Кутшöм пöжар вермас лоны? Тайö рытья кья югöрыс. *(Заводитö лэбавны лым.)*

Анна. Кажитчис, буракö... Лым со мöдiс усьны.

Терентий. Тайö бурджык, регыдджык кок туйнымöс тыртас. *(Локтöны Митрей, Татьяна да мукöдъяс.)*

Терентий *(Митрейлы)*. Постъяс вылысь йöзöс снимитöма.

Митрей. А туй вылас кызди, ставыс лöнь?

Терентий. Пока ставыс чöв-лöнь. Сöмын мельнича дорын сюзь буксö.

Митрей. Сидзкö, эм кутшöмкö опасность.

Пыр ёнджыка усьö лым. Ылын тыдалö пöжарлөн би югөр. Штабысь петöны Яков да Шомесов.

Яков *(Митрейлы)*. Йöзыд чукöртчисны.

Шомесов. Пöжар!

Яков. Кутшöм пöжар? Кöни?

Митрей. Тайö Лайковоын. *(Шомесовлы.)* Петрович, öни жö гөнит Крутöйö, висътав ёртъясыдлы, и ньöти нюжмасьтөг муной вөрö.

Шомесов. Ладнö.

Митрей. Петрович, ловъяöсь лоам — аддзысям.

Шомесов. Ловъяöсь лоам — аддзысям. *(Топыда кутчысьлöны, окасьöны. Шомесов муно.)*

Митрей. Яков Васильевич, горöд йöзсö.

Яков *(горöдö öдзöсö)*. Қора ставнытö ывлаö.

Штабысь петöны партизанъяс, налөн гöтыръяс, кыптö шум, бёрдом, кутчысьлöны, окасьöны.

Митрей *(кайö кильчö вылö)*. Дона ёртъяс! Гöтыръяс, чойяс да вокъяс! Воисны прöщайтчан минута-

яс. Лои сьокыд кад. Ми временнõ эновтам рõднõй Изъ-
вайыв. Коркõ тайõ керкаас ми, гõль йõз, гижсявлім
Коммунистическõй партияõ. Тайõ кильчõ вывсяныыс
ми провозгласитлім Сõветскõй власть, и первойысь
тайõ керка вылас лэптылім гõрд флаг. Ми сәки сет-
лім кыв — вын жалиттõг дорйыны революциялысь за-
воеваниесõ. Тайõ каднас ми переживайтім, венім уна
сьокыдлунъяс, и медбõрря позянлунõдз дорйим Сõвет-
скõй власть. Оні враг кытшаліс миянõс быд боксянь,
миян боевõй ёртъяс бõр эз воны, боеприпас эз коль,
и та вõсна ми оні мунам вõрõ. Эн шогсьõй, ёртъяс,
кутõй вылынджык асьсыныд юртõ. Мед белогвардей-
скõй банда оні шенасьõ оружиенас, сылõн лунъясыс
помасьõны нин. Ми чорыда эскам, мый краснõйяс по-
бедитасны! И миян Изъвайыв лоас Сõветскõй! Бур-
туй, ёртъяс! *(Йõз заводитõны разõдчыны. Митрей лок-
тõ Татьяна дорõ.)* Но, прõщай.

Т а т ь я н а *(шыбитчõ Митрейлы морõс вылас.)*
Митя! Рõднõйõй тэ менам...

М и т р е й *(малалõ сійõс юрõдыс).* Оз ков, успо-
коитчы. Видз асьтõ да челядътõ.

Т а т ь я н а. Ог лэдз! Некытчõ ог лэдз! Коді ме-
ным тәнõ ловъянас бõр бергõдас? Зарнийõй, эн мун.
Эн эновт миянõс... ми некор сәсся ог аддзылõй тәнõ
ловъя синмõн. Менам сьолõмõй кылõ... Мед найõ му-
нõны, а тэ кольчы гортõ. Кывзы менсьым, жалит че-
лядътõ. Ме кора тәнõ, кыззи гõтыр... Ме ог вермы ву-
ждõдны тайõ шогсõ, сьолõмõй потас...

М и т р е й. Татьяна, меным татчõ кольччыны не-
кызд оз позь.

Т а т ь я н а. Лыйласны кõ, мед ставнымõс õтлаын
луйласны, кувныыс кокньыдджык лõõ.

М и т р е й. Ми регыд локтам.

Т а т ь я н а. Ог, ог лэдз ме тәнõ... Тэ он бергõдчы...
(Кылõ лыйõм шы. Котõрõн локтõ Яков.)

Митрей. Мый сэні?

Яков. Рынышгъяс дорын засада!

Шомесов (котортө). Митя! Миянӧс кытшалӧны!

Митрей. Писькӧдчыны бойӧн! (Ставныс котортӧны.)

Татьяна (котортө на бӧрся). Митя! Сулав! Кывзы...

Анна (локтө котӧрӧн. Кутӧ Татьянаӧс). Татьяна, тэ кытчӧ?

Татьяна. Лэдз менӧ! Ме вӧтӧда, ме бергӧда сийӧс...

Анна. Тэ йӧймин! Белӧйяс пырисны нин сиктӧ... Котӧртам гортад...

Быд боксянь кылӧ лыйсьӧм, вӧв кок шыяс, горзӧм. Котӧрӧн локтӧ Маура. Сувтӧ, оз тӧд, мый вӧчны. Гӧгӧрвоис, мый пышйыны некытчӧ, Котӧрӧн пырӧ амбарӧ. Локтӧны белогвардеецьяс, накод офицерскӧй формаа Попов.

Попов. Мый сувтинныд? Кытшалӧй штабсӧ! (Кайӧ кильчӧ вылӧ.) Ӧзтӧй би. Шобӧй ставсӧ. (Пырӧны штабӧ. Попов бӧр петӧ.) Штабыс куш... Сидз... (Локтӧ амбар дорӧ.) Югдӧдлӧй тати! (Локтӧны Прокӧ, Савать, Карлампей, некымын белогвардеец.)

Прокӧ. Ӧндрей! (Попов бергӧдчӧ, оз пыр амбарӧ.) Пышйисны, дьявӧльясид.

Попов. Эк тӧ, шляпаяс! (Локтӧны Саблин да Ротмистров.)

Саблин. Қодъяс танӧсь?

Попов. Асланым йӧз, господин капитан.

Саблин. Мыйын делӧыс? Мыйла бойыс абу?

Попов. Господин капитан, партизанъяс пышйӧмаӧсь.

Саблин. Мый? Оз пышйыны! Преследуйтны быд вожӧд! Арестуйтны налысь семьяяссӧ и став рӧдвужсӧ! (Поповлы.) А тӧ тани виччысьӧй мясянь распоряжение. (Попов кындзи ставныс мунӧны.)

П о п о в (*кайö кильчö вылö*). Но, голубчикъяс, öни тi ылöдз он пышйöй. Ковмас ещö öтчюд миянлы тiянкöд паныдасьлыны, но тайö аддзисьлöмыс лоас медбөръяөн. (*Амбарысь петö Маура.*) Комедия помассис, аскиянь заводитчас драма!

М а у р а. Тэныд аскиöдзис нинöмла овнысö!..

П о п о в (*чепöсийö, кутчысьö кабурас*). Кодi тани? Тэ!.. (*Маура лыйö, Попов усьö.*)

М а у р а. Иуда!

З а н а в е с

Кöкъямысöд картина

Первой картиналөн обстановка. Öни тани белöйяслөн штаб. Пырöны Саблин да Ротмистров.

С а б л и н. Полккöд йитöд лöсьöдöма?

Р о т м и с т р о в. Абу, господин капитан.

С а б л и н. Дзик пыр жö йитöй менö полковник Разумовскийкöд. Ме ог вермы фуражтöг да продовольствиетöг водзö мунны. (*Кост.*) Увланьысь кавалеристьяс воисны нин?

Р о т м и с т р о в. Эз, вошины кытчöкö. Тöдан öд пургаыс кутшöм вöли.

С а б л и н. Куш плеша чöрт. Рязумовский окопайчис сэтчö, поп керкаö, дурö попадьякöд, а тани... чöртыс тöдö, мый сэтшöмыс! Мый тэнад?

Р о т м и с т р о в. Евдокимовлөн разведотряд бөр воис. (*Паськöдö пызан вылö карта.*) Тайö районсö найö ставнас кытшовтöмаöсь, но партизанскöй гварьясöс абу аддзöмаöсь. Лыжи туйяс абуöсь, вөр керкаяс тыртöмöсь...

С а б л и н. Скандал! Срам! Стыд! Квайт тöлысь чöж ми гудрасим öти местаын. Дрöжжитим Изьваильскöй крепость водзын. А кöни сийö крепостьыс? Ми

чайтлім, мый тані опорной пункт, кирпичной башняяс, пулемётъяс... некымын отряд, а збыльвылас мый? Од весиг союзникъяслысь пушкаяс корлім, медым жугодны тайо крепостьсö. Некымын дас оборванец, кодъясөн веськөдліс сэтшөм жö неграмотной мужик, воджын кутисны мянөс стракын, и главарьяссö онөдз абу куталöма, позор!..

Ротмистров. Корсысьöны на. Тöрыт асывнас Горбатов команда улын опытной проводниккөд вöлі ыстöма мөд лыжной отряд, вот татчö... *(Петкөдлö карта вылысь.)* Розь ю районö. Талун петас ещö öти группа... *(Пырö Савать.)* Вот такөд...

Саблин. Көзяин! Ті мый видзөдінныд? Кытчö вермисны саймовтчыны главной коммунистьясыс?

Савать. Ме чайта, найö вöрын дзебсясьöны, господин капитан.

Саблин. Ме сідзжö чайта, мый найö вöрынöсь, но көні? *(Ротмистровлы.)* Вöчны облава! Корсыны быдлаысь: вöрысь, сиктясысь, зорөдъясысь. Найөс корсьөм вылö мобилизуйтны тшөтш местной олысьясөс, висьтавны налы, мый главарьяссö кө оз ло кутöма, ставнысö лоö кыскöма кывкутöмö. А коді кутас, либö висьталас — сетам награда.

Савать. Куталам, господин капитан. Му пытшсьыс, а қорсям. Вужнас нетшыштам тайö заразасö!

Саблин. Мед вайөдасны татчö главарыслысь гөтырсö. *(Ротмистров да Савать мунöны. Конвой пыртөдö Татьянаөс. Сійö чышгянтөм, чужöмас лөз сергяс.)* Пуксьöй. *(Татьяна сулалö.)* Кыдзи ті асьнытö чувствуйтанныд? *(Татьяна чөв олö.)* Тіянөс öбидитыштісны неуна? Но сійö немтор, прöйдитас. Ті зэв на томöсь, став олөмныд водзын. Асьныд мыжаөсь, мянкөд лукавитны оз ков, сійö вреднö здоровьеыдлы.

Татьяна. Көнөсь менам челядьöй?

С а б л и н. Гөгөрвоа, мам сьолөм. Менам тожө эмось челядьяс. Ми челядькөд ог воуйтөй. Тян челядьыд гортад. Найө ловьяөсь, дзоньвидзаөсь, и виччысьоны тиянөс. Вочавидзөй меным өти вопрос вылө, и часджын мысти ті лоанныд асланыд челядь дорын.

Т а т ь я н а. Мый ещө тиянлы мясянь колө?

С а б л и н. Сөмын өтитор. Висьталөй, көні тиян верөсныд? Кытчө муніс? Вот и ставыс. Убыткаяссө, кодьясөс тиянлы пось йывсьыс вөчисны миян йөз, лоө бөр кыкпөв унджык вештөма. (Татьяна чөв олө.) Эн полөй, ми тиянлысь верөстө ог лыйлөй. Сета тиянлы честной офицерской кыв. Мый вөлі, ставыс нин прөйдитіс. Ми абу сэтшөм лөк паметя йөз.

Т а т ь я н а. Ті абу йөз, ті морт высьяс.

С а б л и н. Эн злоупотребляйтөй менам бурлунөн, эн вунөдөй, мый ті мам...

Т а т ь я н а. Да, ме мам. Но ме эськө көсийи төдны тиянлысь мамьяснытө. Көсийи видзөдлыны налы синмамыс и юавны, төдөны оз найө, кутшөм палачьясөс свет вылас чужтылөмаөсь да быдтөмаөсь? Төдөны-ө найө, мый ті тані вөчанныд...

С а б л и н. Сударыня...

Т а т ь я н а. Кымын мортөс ті мучитінныд да виинныд? Кымын челядьөс колинныд сирөтаясөн? Мыйөн көсьянныд таысь мынтысьны?

С а б л и н. Тырмас, ме мудзи. Көні верөсыд?

Т а т ь я н а. Сійө ачыс көзяин тані!

С а б л и н. Предупреждайта...

Т а т ь я н а. Ме ог пов тэысь! Мый тэ меным верман вөчны?

С а б л и н. Меным жальөсь ті.

Т а т ь я н а. Тэ — пеж лов!

С а б л и н. Тиянөс, тыдалө, лыйлыны ковмас.

Т а т ь я н а. Лыйөй, виөй, палачьяс, вир юысьяс!

С а б л и н (горөдө). Уберитөй сійөс! Пытайтөй!

Татьяна. Мунёй ті му пырыс!.. (Татьянаос кыс-
кёны өдзёс сайё.)

Ротмистров (пырö). Горбатовлөн отряд пар-
тизаньяслысь главарьяссö аддзёма, господин капитан.

Саблин. Молодцы! Кутёмаось найös?

Ротмистров. Пленö босьтёмаось.

Саблин. Горбатовös представитны наградаö.

Ротмистров. Награда сійö оз нин пöлучит.
Воча лыйсигөн виёмаось.

Саблин. Найö нö водзсасьёмаось на?

Ротмистров. Виёмаось ещё кык салдатös, а
местнойяс пысь Прокопейös, Карлампейös... (Пырö
Шахтаров.)

Шахтаров. Господин капитан, тиянлы срочной
пакет.

Саблин (косялö, лыддьö, бледмö). Мый?

Ротмистров. Мый тиянкöд?

Саблин (шыбитö пакетсö). На лыдды.

Ротмистров (лыддьö). Полкын восстание?..

Саблин. Арестуйтёма штаб и став офицерьясös...

Ротмистров. Колö дзык пыр жö телеграфи-
руйтны главнокомандующойлы.

Саблин. Кодлы? Тэ лыдды помöдз. (Кватитö
сы кысь пакет, лыддьö.) «Главнокомандующой гене-
рал Миллер да правительствоса членьяс «Минин» ле-
докол вылын Архангельскысь пышйисны Великобрита-
нияö». Ті гөгөрвоанныд, мый тайö лоö?

Ротмистров. Ме тöдi, мый тайö лоö тадзи. Но
эг тöд, кор лоас.

Шахтаров. Мый öнi вöчны?

Саблин. Дзык пыр жö сетöй приказ бöрынт-
чыны, öти минут воштытөг! (Шахтаровлы.) А тайö
гöлубчикьяссö öнi жö вайöдöй сиктас!

Занавес

Өкмысод картина

Көдзыд амбар. Вескыд пельөсас, кымынь водөмөн, куйлө Шомесов. Өдзөс порог вылын пукалө Егор. Сыкөд орчөн — Павел. Стенө мышнас пыксьөмөн, думыштчөмөн сулалө Терентий. Пемдө. Өдзөс сайын шутьялө лёк төв. Корсюрө кылө понлөн увтөм шы.

Терентий. Луныс помасыны кутис.

Егор. Регыд помасям и ми, Терентий. Ок, Егор, Егор, кужлин-ө тэ думыштни коркө, мый ассыд медбөръя смертной частө кутан виччысьны тайө көдзыд амбарас?

Павел. Ог гөгөрво, мыйла миянөс буретш тайө амбарас пуксьөдисны?

Егор. Тасянь юөдзыс медся матын.

Павел (*сьөкыда лолыштө*). Тэ, пөжалуй, прав, Егор. (*Кост.*) Көть эськө мед Марпаёй прөститчыныс волис.

Терентий. Миян дорө некодөс матө оз сибөдны.

Егор. Петрович, тэ мый ланьтин?

Павел. Опонасей! Кылан?

Шомесов (*лэптө юрсө*). А? Мый? Локтөны? (*Пуксьө.*) Тайө рыт али асыв?

Терентий. Тэ узян?

Егор. Ассыд медбөръя минутаястө узян?

Шомесов. Ме, буракө, збыльысь вугыртли. Эк, другъяс. Кутшөм бур вөт ме өни аддзыли. Быттьө праздник, гөгөр сад, йөзыс лыдтөм-щөттөм, йөктөны, сьылөны... и ме йөкти.

Егор. Воас сэтшөм кадыс, Петрович, кор став вөрыс миян лоас садьөн. Йөзыс кутасны сьывны да овны, сөмын миянлы сийөс не аддзывны.

Терентий. И, гашкө, коркө миян челядь потшасны миянлысь гуяснымөс, вайөдласны сэтчө Изьва-

йывті прöйдитысь мортöс да висьталасны: «Тайö гу-
ясас куйлöны мян батыяс, кодъяс 1919 воын сетисны
ассыныс олöмнысö революция делö вöсна».

Павел. Абу жö окота кувнытö.

Егор. Ми ог кулöй. Павел, ми и гуас кутам овны
врагъяслы страк вылö.

Герентий. Эк, эськö Митрейястö кö эз вермыны
кутны! Найö эськö мынтисны водзöссö.

Шомесов. Кытчöкö ылöдз кö оз мунны, и найöс
кутасны. Вөр пасьтаыс облаваөн корсьöны.

Павел. Митрейтö оз кутны, ме тöда.

Шомесов. Но кызди нö тайö ставыс артмис,
ёртъяс? Кызди нö ме, дурак...

Герентий. Öнi, Опонасей, сёр нин та йылысь
сёрнитны.

Шомесов. Да, öнi, кажитчö, сёр нин. Öбиднö,
прöстö öбиднö.

Егор. А ме семьякөд сiдз эг и прöщайтчы. Ог
вермы вунöдны, кутшöм синъясөн найö Помöсдинö му-
нигөн ме вылö видзöдисны! (Кост.) Тымас сьöкыд
мövпъясөн асьнымöс жугыльмöдны. Вай сьылыштамöй
медбөръяысь. (Горöдö сьывны.)

Долго я тяжкие цепи носил,
Долго бродил я в горах Аккатуя;
Старый товарищ бежать пособил,
Ожил я, волю почуя.

Павел (ышловзбö). Абу на жö эськö окота кув-
нытö да...

Егор. Эн öшöд юртö, Павел. Кык смерть оз овлы,
а öтисъыс он мын. Сьыв, Павел. (Ставныс сьылöны.)

Шилка и Нерчинск не страшны теперь,
Горная стража меня не поймала.

Юргө сьылём. Восьё өдзёс, тойыштёны Татьянаёс.

Егор. Татьяна! (*Локтё сы дорё.*) Но мый? Кытчө тэно нүөдлісны?

Татьяна. Допрос вылө. Пыр Митрейёс юасьёны, а ме налы өти кыв эг висьтав. Бурджык ачым гуас вода, сөмын мед сійө ловйөн кольё.

Павел. Менсьым Марпаёс эн аддзыв?

Татьяна. Эг.

Егор. Кыдзи Анна Павловна?

Татьяна. Маураёс да сійёс быд лун жё допрос вылө кыскалөны. Нөйтёны, издевайтчөны... Анна Павловна меным посводзас гусьёник шөпнитіс.

Терентий. Мый?

Татьяна. Краснөйяс пө наступайтёны.

Егор (*радлёмөн*). Кывлінныд? Наступайтёны! Сідзкө муыс бергалө?

Павел. Ёртъяс, гашкө миянёс спаситасны на?

Терентий. Тыдалө, Митрейыд на дорё писькөдчис?

Павел. Неужели ловъяёсь колям?

Егор. Миян судьба йылысь, Павел, сёрнитны нином. Ловйөн найө миянёс оз кольны. Но делёбыс, мый вёсна ми тышқасим, кутас овны.

Восьё өдзёс, тойыштёны Митрейёс. Сійө усьө.

Терентий. Коді тайө?

Татьяна. Митя! (*Шыбитчө сы дорё.*)

Павел. Вот тэныд и на!

Шомесов. Отсыштөй, ёртъяс. (*Митрейёс пуксьөддөны.*) Мый найө тэкөд вөчөмны?

Татьяна (*өшйө Митрейлы сьыліас*). Митя!.. Рөднөй!

Митрей. Татьяна! Тэ тани? (*Малалө сійёс юрөдыс.*) Эн бөрд. Крепитчы. Коді ещө тани эм? (*Видзөдө*)

гөгөрбок.) Петрович... Павел... Терентий... Егор! И тэ тани?

Егор. И ме тани, вокө.

Митрей. Сі-ідз. Значит, ті танось...

Павел. А кызди нө тэ? Ми жө чайтім...

Митрей. Мөдөдчылім веськыда Висер вожө петны, но нинөм эз артмы. Юяс и тыяс ставыс восьсаось, эг вермөй прөйдитны. Яков, ме да Илья куим лун собалим вөрөдыс и бөр бергөдчим асланым вөр керкаө. Сөян запас быри, куим лун тшыгылім. Решитім матыстчыны сиктланьыс, судзөдны нянь, төдмавны тиян йылысь. Лэччим Иван чомйөдз, а сэні зурасим белөй разъездкөд. Пансис тыш. Ми куимөн, а найө дас кыкөн. Патронъяс быри, кытшалісны миянөс, а сэсса нинөм ог помнит. Тыдалө бөрсянь кучкөмаось юрө прикладнас.

Павел. А жөнось мукөдьясыс? Яков, Илья...

Митрей. Ог төд. Гашкө орөдчисны, а гашкө, сэні куйлөны.

Татьяна. Господи! А ме чайті... (Бөрдө.)

Митрей. Егор, а тэ кызди татчө веськалін? Қөні ті вөлінныд?

Егор. Ми Зимовкаын кывлім Помөсдин босьтөм йылысь, но куш киясөн бөр локны эг көсйы. Белөйяс обозысь судзөдім куим ящик патрон. Сійөс вөв вылын колө вөлі вайны вөрөдз, и ме аслам важ друг дорө шыаси отсөгла, а сійө, сөтанаыд, отсөг пыдди, белөй контрразведкалы юөртөма.

Митрей. Сэтшөм нин миян судьба. Ми ассыным гражданскөй долг выполнитім. Кулам правда вөсна.

Шомесов. Этша ми бырөдім тайө гадьяссө.

Митрей. Молодечьяс! Ей-богу молодечьяс! Ме вот видзөда тиян вылө да думайта: замечательнөй миян йөз! Эз повзыны, эз бөрыньтчыны. Сувтісны и сулалісны на смерть. Оз, татшөм йөзөс победитны оз позь.

Т а т ь я н а. Страшно кувнысö, Митя. Сідзи ми эгö и аддзылöй бур олöмсö.

Ывлаын кылöны гөлöсьяс.

Е г о р. Надзöнджык, локтöны.

М и т р е й. Терпитама ставсö, медбөртя лолыштö-мöдз лоамöй коммунистьясөн. (*Ставөн чеччöны. Кутчысьлöны, окасöны.*)

Т а т ь я н а. Митя, рöднöй!.. А челядыд нö кызди? Сирötаясөн колясны...

М и т р е й. Сöветскöй власть найöс оз вунöд.

П ы р ö С а в а т ь.

С а в а т ь (*сувтö порог дорö*). Но, мый висьталан-ныд, голубчикьяс? Чеччалінныд? Көдзыд? Немтор, ре-гыд ми тиянлы вöчам пöсь пывсян.

Е г о р. Тэ мыйла татчö локтин?

С а в а т ь. Öнi тиянлы воис кад кысьясны миян кокьяс улын, корны пöщада...

М и т р е й. Öдвакö.

С а в а т ь. Но пöщада оз ло. Босьтасны тиянöс шо-шаодныд, и — йорданö, йиа ваö, синтöм кычипиянöс моз...

Т а т ь я н а. Господи, мый сийö сёрнитö...

П ы р ö н ы С а б л и н да Ш а х т а р о в.

Ш а х т а р о в (*Саблинлы*). Со найö.

С а б л и н. Öти здук. (*Саватьлы.*) Кодi?

С а в а т ь (*индö Митрей вылö*). Со, ваше благо-родие.

С а б л и н (*локтö Митрей дорö. Видзöдö сийöс юр вывсяньыс кок улöдзыс*). Ме завидуйта тэныд. Тэнад эмöсь бур способностьяс. Ме эськö шуи, мый эм весиг военной талант. Дзик прöста тайö вöрас пропадайтö-

мыд. Тэнад юрөн да талантөн эськө мукөдлаын позис вöчны ы-ыджыд карьера.

Митрей. Жаль, мый патронъяс бырисны...

Саблин. Ей-богу, тайö мортыс меным воö сьёлөм вылө. (*Видзөдө Егор вылө.*) Тайöс, кажитчө, кыськө ме аддзывлі нин?

Шахтаров. Тайö молодчикъясыс и пышйөдлісны миянлысь вөвъяснымös.

Саблин. Помнита, помнита. Вот кöні ми аддзысим.

Шомесов. Омоль тіян паметьныд.

Егор. Жаль, кось дырйиыс тэкөд эг паныдасьлөй.

Саблин. Но!..

Павел. Тэ эн нокайт, он көбыла вылын мун.

Саблин. Меным жальöсь ті. Но нинөм он вöч. Прапорщик, пöра помавны — лэччөдөй ю вылө. (*Петө.*)

Савать (*Егорлы*). Но, мый? Помнитан кызди тэ коркө меным голяө кутчысьлін? А?

Егор. Каитча, мый ме сэки тэнö эг джагөд!

Митрей. Ті мый көть эн шуөй, а Изьвайывті прөйдитны эн вермөй!

Егор. И оз вермыны!

Митрей. И он вермөй!

Шахтаров. Ми тіянös лыйлыны ог кутөй, йөрданö сюялам.

Митрей. Ми смертысь ог полөй. Ті верманныд миянös вины, но правдасө некор он виөй. И тіянлы кад воас мынтысьны. Народ бырөдас тіянös, кызди медбөрья бандитъясös.

Шахтаров. Марш!

Татьяна. Прөщай, Митя...

Митрей (*горөдө сьывны*).

Смело мы в бой пойдем
За власть Советов

(Ставон отсалоны)

И как один умрём
В борьбе за это...

Сылыгырйи, вылө лэптөм юръясөн партизанъяс гордоя муноны.
П е м ы д.

Сийө жö обстановкыяс. Водз асыв. Кылөны вöв кок шыяс. Яков-
лөн гөлөс: «Стой». Мыччысьоны Илья, Яков, партизанъяс, крас-
ноармеецъяс, налөн командир, нывбабаяс, накод Анна да Маура.

И л ь я. Со сийө амбарыс, Яков Васильевич. Но
найө абуось нин. (Бабаяс бөрдөны. Яков пөрччө шап-
касө. Сы бөрся пөрччөны ставныс. Шатлалігырйи
локтө Марпа. Бөрдө.)

Я к о в. Оз ков, Марпа. Тайө оз отсав.

М а р п а. Войбыд синмөс эг куньлы... Век öшинь
пыр видзөді тайө амбар вылас... Войшөрнас найөс лэч-
чөдісны ю вылө...

К о м а н д и р. Туйө, ёртыяс! Главной вынъяс му-
насны Ухталань... Вөвъяс вылө! (Илья да Маура
кындзи ставыс муноны.)


М а у р а (шыбитчө Ильялы морөс вылас). Илью-
ша... бара мунан?

И л ь я. Ог дыр кежлө, Маура. Миян победа матын
нин. Виччысь менө, регыд аддзысям. (Окалө Маураөс,
котөртө.)

М а у р а. Бур туй, рөднөй. (Öвтө чышъянөн.)

З а н а в е с

26139



СОДЕРЖАНИЕ

Первой действие	4
Мёд действие	32
Коймёд действие	51
Нельёд действие	67

И. Потолицын

ИЗЪВАИЛЬСКАЯ КРЕПОСТЬ

на коми языке

Редактор *С. Морозов*

Техн. редактор *И. Цивунин*

Слано в набор 10/VI-1958 г. Подп. к печати 29/VIII-1958 г. Формат 70×108^{1/32}—
1,875 бум. л. 3,767 печ. л. (Уч.-изд. л. 3,53). Заказ № 1926. Тираж 2000. Ц01401.
Коми книжное издательство. Дом печати. Цена 0-80 коп.

г. Сыктывкар, Республиканская типография Полиграфиздата
Министерства культуры Коми АССР

Выль книгаяс

Коми книжнõй издательство бõрря воясõ лэдзис художественнõй самодеятельность коллективъ-яслы:

Õти акта пьесаяс. 1955, доныс 1 ш. 30 коп. Коми кыв вылын.

А. Осипов. Нель съланкыв. Кывъясыс Ф. Щербаковлõн. 1955, доныс 1 ш. Коми кыв вылын.

Съланкывъяс (нотаясõн). Самодеятельнõй композиторъяслõн произведениеяс, 1956, доныс 4 ш. 40 коп. Коми и роч кывъяс вылын.

А. Осипов. Съланкывъяс да романсъяс. 1957, 3 ш. 10 коп. Коми да роч кывъяс вылын.

Юргы съланкыв. Съланкывъяслõн сборник, 1958, доныс 6 ш. 25 коп. Коми да роч кывъяс вылын.

Коми народнõй съланкывъяс. Сборник, доныс 3 ш. Коми да роч кывъяс вылын.



80 к.

КОМИ КНИЖНОЙ ИЗДАТЕЛЬСТВО
1958